


青

崇集

魏初



欽定四庫全書

青崖集卷一

五言古詩

奉答楊左丞詩序

左丞相公公宋駙馬姓楊氏名鎮今江西行省左丞自江西來杭

不鄙不肖以詩見示其擬古云志士多苦心

觀梅云月淡溪橋浸疎影雪深籬落見橫枝

漁邨云籬燈吐秋影岸荻長春芽野水一雙



元

魏初

撰



鷺暮煙三四家、維揚遣懷云、夢回孤館人千  
里、漏轉重城月一樓、客中清明云、滿眼落花  
隨水去、無情垂柳共春愁、秋色云、涼月一江  
翻夜白、夕陽千樹奪春紅、和周公謹韻云、邨  
酒黃花九日後、曉霜紅葉兩山秋、登孺子亭  
春樹倚簷分浦色、暮雲含雨渡江心、寄林  
上人云、林樹有無生、雨氣野花開、落見春心  
似此等句、皆清峻有古意、前賢謂文章之作、

恒發于流離困頓、憔悴無聊不平之中、今相  
君生長富貴、不為聲色狗馬所奪、每興懷託  
物、乃能造此雅澹境界、非其篤好而才品不  
凡者、未及之、敢作古語一章、奉答厚意、

風雅日已遠、嘲評月露多、况當紈綺貴、此意竟如何、左  
轄膺朝寄、瘡痍仰撫摩、一斑時爾見、清峻湧江波、好在  
都俞際、賡吟舜殿歌、

三月二十九日郡庠後亭讌盧啟先僉事

晨集頽江渚、列席當蕙邊、斯亭信顯敞、翠嶺帶澄川、潮  
駕宜城步、山積司空原、青松紛被徑、紅桃競發園、衆賓  
起為壽、繁音出嬌絃、中觴念遠離、歲行已再遷、漂萍有  
時合、浮雲未見旋、今朝不為樂、來會知何年、

安慶郡庠後亭讌董僉事

鯨鯢起淮水、郡邑盡燒殘、茲城獨完好、使者一開顏、省  
風降文囿、拜節遵曲干、雙池夾行徑、累榭在雲間、天遠  
羣峰出、地迴滄江還、霞生射蛟室、鴈沒逢龍山、開尊華  
堂上、命頽危闌、主人送瑤爵、但云嘉會難、豈為杯酒  
驩、樂此罷民安、魄淵無恆彩、清川有急瀾、明晨起驟服、  
相望阻重關、

王仲思所藏幸蜀圖

小李將  
軍畫

曩予按川蜀、此道凡九過、仰高如梯登、遇下若井隨、崎  
嶇百險中、平步得幾個、朝來拂橫披、恍若有今我、因思  
開元初、四海樂恬安、米帛三四錢、萬里絕戍邏、華清歌  
舞時、已構此坎坷、不獨君王家、人生械亦巨、將軍豈無

心可以銘諸座、

匏瓜詩并序

禹卿趙君別墅築亭曰匏瓜諸公咸有歌詠  
初不揆以淵明戶庭無塵雜虛室有餘閑作  
十詩以道其閑適之意在風俗奔競中獨能  
潔守如此其亦可尚矣

出城十里餘小小築園圃牆額補青山月冷杵秋黍蕭  
然無人來風葉擁庭戶

志意若不足文章官有程何如田畝間脫落塵土星時  
時有佳客爛醉秋風庭

此書不可廢此酒不可無醒時自澆酒醉後還枕書人  
生天地間窮達竟何如

人皆有樂地百偽奪其真朝趨富兒屋莫隨肥馬塵不  
知竟何得空負百年身

青雲半知己遐邇非寡合持身自有道許與不可雜君  
看誰卜鄰慎獨有懸榻

非無功名心樂此樵與漁炎涼各以時知力誰能渝蕭  
然一亭上心境還清虛  
只今終南山亦自有少室捷徑以索價茲心素所疾一  
斲無餘事優游保清吉  
斲瓜聖所喻繫著亦何有時行與時止豈復論奇偶聊  
以名茲亭泊塞貯春酒

築亭瞰平野四望情意舒青山入座來尊俎雜肴蔬雖  
無九鼎侈此樂亦有餘

以君邁往氣未必能久閑唯其不自售所以行之艱作  
詩固可工亦可礪癡頑

楊庸齋移竹二首

子雲築新居瀟洒過日月一官笑鄭虔忍為塵埃沒歸  
來謝俗聲山影動簷樾看此渭川秋萬古幽興發  
青青河畔柳旋挿旋成陰天天溪上桃蓓蕾開紅金誰  
能愛吾竹過眼從蕭森涼風歲云暮乃見高人心

閑居雜詠五首

家負人事稀，蕭索坐茅屋。雖無舟楫心，詩書敢私淑。高  
卧北窗下，清風響梧竹。

聖道豈遠人，其源由洒掃。惟彼賢達人，樂以不知老。喟  
然常自傷，立身苦不早。

朱墨生涯拙，青銅勲業羞。三山鳳伏月，萬里鷹搏秋。時  
時拂塵卷，造物何悠悠。

人生百年內，憂虞何時歇。不如棄塵事，讀書古松樾。偉  
哉聖賢心，秋波湛明月。

傷彼蕙蘭心，不結君王池。秋露有蕭瑟，落日空山陂。良  
無呈瑞氣，虛名將奚為。

為廉公迪壽

矯矯廉泉公，有子令公迪。讀書達事體，意遠文且質。余  
茲何幸焉，得與共憲職。但願君侯心，敬慎恒若一。

諸葛武侯

漢運固已厄，臣心無偏安。出師非倖功，為國將勝殘。所  
當盡者分，不可欺者天。至今原上草，慘慘縈愁煙。

七言古詩

賦畝謠為馬丈師易壽

君不見阿衡賦畝一餓叟孰謂乃有堯之心以身許毫  
 即自任從容一理無升沈又不見陶家松石草堂月萬  
 古笑傲聲輝發即今有人誰似之介山處士心如雪怡  
 情抱蒿萊放子付熟說一家唐舜民肯事張儀舌先生  
 于茲一何少先生于茲又何拙世間碌碌不足數賴有  
 天徒與吾語茫茫四海少顏色會當下筆生風雨

漢教提刑壽

精神滿眼如濼落筆蛟虬大如尺君侯累世公卿家  
 清議到君能事畢憶昨臺中初見時虎頭金節含春姿  
 陪從評議得梗槩磊磊落落青松枝相期不得長相與  
 汧隴秋煙漠城雨今年駐馬鳳凰泉定教有此清燈語  
 便當載酒三百壺對君城南梅花株為君上壽為君舞  
 醉倒不用春風扶

趙公泉



趙公智者流樂水性其天居人慕公義以公名公泉巉  
巉石齒作細穿引渠厨屋清涓涓西磬東鍾各有門  
前半溉桑麻田微雨乍添春蕩漾輕風細感秋淪漣行  
潦之水無根源豈能逝者如斯川泉石之娛君實賢我  
意愛君或不然東甬妖氛今未已要君倒卷黃河湔

趙樊川

四十塊坐不出門樊川佳處來傳聞就中韋杜稱第一  
贊皇趙公今主人主人本是風雲客翰旋造化工彌綸

西南雨過不可塞以手補之天為歎慨然拂却長安塵  
移家要與黃溪鄰霜葉煙花秋復春十年人仰樊川君  
鶴書一夕復徵辟玉案圭峯澹空碧巾車迢迢入燕國  
前日所聞今始識相逢重索城南詩才薄空慙少陵筆  
送王敬之御史耿伯玉臺掾東歸

敬之方平尚質直伯玉謨謀加緻密中臺二妙卓有聲  
驄馬西來能事畢繡衣東望五雲深盧龍煙草金溝水  
欲知別後憶君時萬疊秦山秋雨裏

題趙明叔未央瓦硯

淒淒古月土花碧，溜雨秋簷照螢濕。龍拏虎搏二千年，  
火烈風摧見枯質。鉛香蝕盡星蕭蕭，又逐幽人入潛室。  
繁華百閱無好心，淨涵秋波墨如漆。神工巧護有所持，  
主人鄭重董黃狐筆。

書德琴賦卷後

寥休愛君如愛弟，為君賦此盡琴意。寥休既作汗漫遊，  
今君亦從此兩逝。嗚呼！天地誰知音，明月高山與流水。

鳳翔城南得京都家書

鳳翔城在山路迷，鳳翔城東人來稀。黃塵鞍馬偶相及，  
乃是史子京都歸。蒼忙問訊語未已，手出平安遺我思。  
開緘一讀為再讀，咫尺慈顏不遠違。忽忽二月長安道，  
南北馳心似秋草。女孫解語學念詩，應道在家貧亦好。  
雜言送劉樂二公

君看驥北馬逸足，一展無九州。黃金絡頭亦不惡，要與  
八駿追真遊。君看萬里鶴鶴六翮搏清秋，安能只作梁上

燕銜泥附熱空，啁啾吾家劉兄誰與儔。濟物不減商川  
 舟，吾家樂弟師前修。慷慨已識元龍樓，酒酣氣張吐奇  
 焰。霹靂隨地騰蛟蚪，問俗世事不著眼。况復筆墨鐫頑鯁，南  
 風吹雲動高興。拏舟吸翠灤江頭，江頭去天才三尺。傾  
 肝露膽皆公侯，乃知君家富貴本易去。取落落不必工雕  
 鏤，我窮閉門秋水隈。買田無力耕無牛，牆根草色上階  
 綠。雨中破屋<sup>支撐</sup>撐幽，不獨人嗟我亦嗟。直以不愧消百  
 憂，因君作別一大笑。始信寓說未易齊，鵬鳩。

杭州大雪序

至元二十有一年十二月七日杭州大雪之  
 明日偕中丞楊子裕治書侍御史張夢符自  
 湧金門登舟謁林和靖祠，過太一宮，凭欄四  
 望，吳山諸峰瓊樓玉樹，上下一色，日光皎然，  
 不敢正視，長時在煙雨空濛中，忽覩此晴霽，  
 亦奇觀也。夢符走筆賦長語數韻，初不揆度，  
 牽強奉次。

寸腸不用多蟠結、千計百思徒屑屑、春風昨夜到梅花、  
況是西湖好晴雪、平時走馬入燕雲、不憶扁舟落江浙、  
人生南北亦偶然、造物何嘗管調燮、竹梢松滴玉零星、  
一樣林逋詩苦冽、神仙官府小洞天、琴鶴正為我輩設、  
酒酣擊楫回中流、江山逸興悠然發、自憐青鬢已如絲、  
只有丹心滿似鐵、

利州值雪次張周卿韻

至元丁丑冬、分覈東川趨中臺、二妙霍興張適與會遇

成同途、却行長林夜守更、語話情切忘崎嶇、偶然雪嶺

滑復正滑、驛騎凡劣不可驅、一日凡五墜、五隊之外猶可

探驪珠、黃泥滿身不足笑、大笑駭僕汝墜汝復來、吾扶

相看火吃、復相語、誰遣不守君家株、我時酒熟氣已張、

乃謂此亦何足成、嗟吁與君更約明年行、共看夔州八

陣圖、

題歸潛洞

巔崖鑿透苔花碧、遠磴風來竹香濕、龍頭斃骨蟄不飛、

金定四庫全書  
卷一  
老穀中朽舍古質橫林六月秋生衣垂簾冬夜春浮筆  
主人夢覺邯鄲來乍得幽深快胃臆君不見玉關將軍  
冰雪肌廟堂謨臣安危機一發不中羣口譏昨日把笏  
今扶犁誰知趙侯鬢未衰中流勇退世所推却愁此志  
不終遂再使騰踏今昌期

送趙大中從李五祖奉祀嶽瀆

男兒兀坐近四十骨弱心痿徒補輯遠林百匝呼少陵  
安得秋風生羽翼吾家趙弟本不凡鬢禿鬚張眼如漆  
江海方期汗漫遊一夕飛緘御香濕天台真人馬子微  
愛君能書重君筆太華峰頭日觀西萬壑風煙入呼吸  
歸來落紙中書堂頓覺吾輩生輝光青雲從此一萬丈  
回首俗物都茫茫

登朝天嶺

余來漢中凡三年大山小山行欲遍今年復有東川行  
大抵勢隨崗阜轉石頭帶確顛且危不獨心驚夢亦戰  
利州城北到朝天又是川行山一變懸崖皴澁留苔青

石罅陰森鬱松菑得詩數語疑有神得酒百杯亦不倦  
回環應接奇無窮乃見平時所未見落落參軍正紫髯  
行行御史真鐵面相看大醉復長歌滅沒春鴻天一線

適安堂

窮通有定分流坎無庸悲湘纍自苦亦太隘韓子孤憤  
將奚為人注百年渾幾時鼠窺鬼瞰徒成私何如樊川  
一樽酒往者莫究今已而秦川如畫渭如絲韋曲杜曲  
無聲詩真堂駕空竹樹裏觚稜瀟灑含幽姿起居飲食  
頗自適不矯不飾隨所施舉手為謝昌黎師乃今平原  
能得之有時高詠歸來辭有時獨酌芙蓉卮人間所得  
容力取委之順之夫何思

韓監察所藏畫馬

房星降精雲晦明天機滅沒麒麟行逸羣絕足豈易得  
側身佇目長風生憶昔周王走八極不惜千金買奇骨  
浮雲追電迤邐至千里瑤池才一蹴漢家沙苑唐虎臣  
隊色滿山雲錦新只今雄駿竟寂寞轉益愁向駑駘羣

吁嗟冀北亦古國安得天驥曾不聞駕轅伏櫪計必有  
王良伯樂誰其人韓卿好古得此圖索遍烏臺好詩客  
侵晨打門驚夢覺開卷金石聲嘖嘖雨中破屋百不遂  
才薄何以塞君責此圖一日當飛去看避青驄洛陽陌

游玉泉

少時嘗讀子虛賦愛其胷中雲夢淮湘鄂越歷歷生風  
雨我思古人何悠悠遂欲大放心顏揮斥八極鞭九州  
誰其使我坐屋底壯心不死庸有幾玉泉一覲凡五年

風水咫尺如十里孫劉愛厚有嘉招溫詩歷落亦奇士  
郗侯俊秀甫遠來騏驎不慙駕與齒借驢肩酒穿邨行  
雲煙草樹來尋盟初盤山腰探龍窟空明鴻洞玻璃青  
買魚釀酒放船入鰲頭掀舞蛟人泣鼓楫敲舷凌浩蕩  
崑崖倒影屏風濕君能為我傾倒雙白瓶我亦為君拚  
醉一吸復一吸沈竿續蔓不可測黑綠陰深五千尺杳  
然心悸身生芒泊岸為著靈運屐攀緣古柏上層巔細  
路蜿蜒遠鱷脊萬古風從鳥道來夕陽天影凝空碧解

衣小憩足力生西南更覓丹邱迹人生天地逆旅間貴  
 無等倫惟有閒功名既不麒麟閣箕頰自合相追攀折  
 腰摧者必不已役役沒沒誰爾憐我知此理有定論所  
 遇所窮或者天東山歌酒乃大起夜郎醉月終其年古  
 賢出處各有以安吾見在清尊前

觀象詩

此舊作也至元十八年見之  
 于并門張巨源家因錄之

皇帝馬筮開雲南好得一象來中國中國傳聞未嘗見  
 一日爭觀輶輶霹靂巨鼻引地六七尺左卷右舒為口役  
 耳項垂垂倍數牛皮毛蒼蒼艾豨黑目豎青熒鏡有光  
 背潤隱嵒山之脊卷髮胡奴鐵作鈎要將驅使驚九州  
 吾聞國家方寶賢異物自至非所求誰能更上旅葵篇  
 清風萬古追西周

五言律詩

送劉祥卿之上都

筆硯相從日于今四十年關山長契濶尊酒暫留連  
 水秋風裏灤江霽雪邊故人如見問為說已華顛



送張夢符

磊落衣冠舊、詩書照眼青、禮闈今妙選、憲府昔才名、漢  
水三千夢、錢塘十里亭、殷勤一杯酒、江海望澄清、

送葉亦愚

向在諸生列、孤危斥老姦、今逢太平日、咫尺拜天顏、盡  
已都俞際、無心用舍間、錢塘八九月、秋色滿吳山、

挽呂丈子謙

憶昔京都日、青山拜上庠、只今江海外、白髮見諸郎、行

業誰先後、功名竟渺茫、無從酌秋草、三復白雲章、

棄城即席送何侍御

話別京都後、音書隨渺茫、相逢漢皋上、鞍馬又<sup>慙</sup>葛忙、我  
淚秋仁傑、君評許子將、殷勤一杯酒、此去重相望、

送某學士

魯齋天下士、高第數君侯、立學心恒切、居官行益修、早  
苗方渴雨、健翮正橫秋、尊酒何年夜、陳登百尺樓、

送楊子裕參政赴江西省

世契前朝舊臺聯此日同才謀知緩急肝膽見清忠江  
海風煙裏瘡痍照燠中太平十二策正要沃宸聰

夢弟妹有感

弟妹飄零久美牆念慮間相逢應有日此老合投閒夢  
逐雞聲斷心隨馬影還清明寒食近烟雨萬重山

順聖溫泉留題

有序

戊申歲初年十有七從先大父玉峯請肅公  
未拜祀先壠曾浴于此今初獨來父祖俱棄

世大馬亦已四年嗟歲月之易得懷先人而

詠嘆邱山零落堂構多慙因留數字以紀歲  
月

破塚風霜裏諸孫翫陸邊龜趺埋老蘚翁仲卧荒煙宗  
邑嗟誰起文源愧我傳一杯清酌底聊與慰重泉

為唐佐弟壽

兄弟惟君我相看半白頭邇來方聚首今又問行舟風  
雨山窗夜鷄豚石澗秋此期須有日燈火讀書樓

七言律詩

次雷苦齋韻二首

年前五月與行臺姜公別于太原之三郊爾  
後初留滯居延者凡八月今始還司苦齋憲  
副以遊金山寺二詩見示因次其韻復寄姜

行臺

鞍馬黃鹿已強顏更堪白髮鏡中看  
曾陪尊俎回春暖  
正想音書慰客寒  
勝覽足供詩筆健  
相思今覺帶圍寬  
長江一碧橫千里無復秋風細有瀾  
三仕陪從契分深每高談議豁塵襟  
十年脚有隨車雨  
一片心無徒木金晴雪梅花曾漢上  
白雲秋水又汾陰  
黑河沙土揚州月別後相思直到今

次男必復韻

心頭何事宦相關一片飛雲萬壘山  
去驛隔年才得信  
分司六月不知還  
身歸造物乘除裏  
意在經營慘澹間  
為報金蘭何侍御  
別來今已鬢毛斑

奉寄明叔趙君見寄詩韻

嘗擬騷人作問天賢愚誰後復誰先塵冠一拂豈徒爾  
霜簡千年要凜然自許已知吾計拙並驅那敢子爭先  
南風雁足詩來好歸思逸生秋草邊

次重雲雋公韻

山中月影共婆娑發興題詩墨自磨空負有言如鄭直  
未能遽止似商訛本來搏擊風稜少此去歸休意思多  
且喜居延凡兩月與君時一到無何

壽御史中丞

丞相聲名紀太常君侯忠鯁復騰光青宮意注文貞笏  
白簡風生肅政堂守道自當成豹變擊強初不待鷹揚  
黑頭事業磨崖頌要共生平日月長

白塔遇表兄劉君

至元七年吾兄劉公之官謙州爾後初亦從  
事川陝治漢中漢中去謙州不知其幾由里  
也、用是音信隔絕吾兄又遭際變亂艱險百

至乃棄家業挈妻子奔竄南來初未之知也  
十有七年初奉命有事鞏昌因赴京都道出  
保定白塔驛與吾兄相遇不覺驚喜如對夢  
寐吾兄雖精神不衰而髮鬢已半白矣乃舉  
觴相勞苦吾兄因謂初言余幾死者數矣在  
患難中每南望屈指數吾兄弟輩如隔兩世  
將謂不復得會聚矣今見吾弟可勝喜哉但  
牧之弟尚在淮上不知當幾何時得相見也  
因泣數行初亦款款歎念者久之且誦向贈  
別吾兄詩云少日驅馳四海心中年憂樂輒  
相尋為不誣矣復白兄曰吾兄不愛死艱苦  
萬里盡忠本朝為聖天子見知此舌尚在功  
名富貴恐迫吾兄耳別離愁苦之思當掃去  
乃舉酒上壽作五十六字以侑觴云

蜀道山尖上似天  
謙河雪片大如綿  
兵塵鴻洞七千里  
音信消沉十一年  
馬上相逢有今日  
鏡中驚歎各華顛

幾回收拾田園了、風雨燈窗共醉眠

拜詔

五更朝馬簇金溝、共待雞人報曉籌、萬國<sub>衣</sub>冠有今日、  
九天宮闕照神州、紫泥書帶爐香拆、赤羽旂隨日影流、  
一片嵩呼春色裏、戴盆何幸望宸旒、

拜詔次尚書劉公韻

龍旂霓旌夾兩階、九重閭闔一時開、千官花底瞻天拜、  
雙鳳雲<sub>間</sub>捧詔來、生意根荄如啓蟄、歡聲朝野似聞雷、

小臣蟻虱<sub>無</sub>補、願酌春江<sub>酌</sub>壽杯、

通明閣

千尺觚稜北斗橫、一川煙樹冷雲平、瀛洲方丈知何在、  
渭水終南畫不成、天上碧桃青鳳啄、月邊瑤草白龍耕、  
自憐未斷人間夢、赤日黃塵六月行、

子陽李兄與余家交三世矣、故予初頗相愛念、  
子陽才疎意廣、不屑細務、且知時命未偶、因放  
浪于詩酒泉石之間、嘗自趙抵淇、由洛陽登華

山至長安而還得詩文二十餘篇皆名公投贈  
之什也至元十一年初以事來鎮陽得遂披讀  
敬書五十六字以發揮吾子陽襟期之梗槩云  
不是孤高不愛官只緣行路古來難一杯徑醉從人笑  
萬事無吾著眼看安得暫離塵夢裏放教高卧冷雲端  
此心此語誰能會邂逅青燈幾夜闌

贈谷商台符

玉削青尖大華山君家名勝百年間相公開府今分陝  
吾子承家又鑄顏詩似晚江晴浪捲心如春水白鷗閑  
自憐南北成何事粗向交情見一斑

奉贈虛極劉仙翁

聞說秦州地上仙心無一物思飄然雲山想像俱成畫  
杖履追隨惜未緣引鶴看花秋徑裏枕書聽雨夜窗前  
回頭塵土三千丈何處人間有洞天

次韻答左丞楊中齋

每驚塵慮頓成空曾接君侯玉麈風青眼相看文字裏

丹心都在簡書中，一時人物誰輕重。千古議評幾異同，  
明日洪都憲司去，不能無意失諸公。子裕參政已還中  
省公又戒車北上

青霞觀

花枝欹曲竹鉤連，中有青看地上仙。清露和香殊旖旎，  
晚風吹鶴更蹁躚。只知畫裏今無筆，誰信人間別有天。  
叫斷青鸞飛不到，黃塵一隔路三千。

得男必復書

來時暑雨拍車頭，到日冬烟壓草樓。酒為瘴來須強飲，  
書因家遠屢輕投。計回蜀道一千里，遍走秦川八九州。  
咫尺還宜敢停脚，西南又入劍門秋。

挽益待制駕之

有志明時竟不伸，士林公議惜斯人。秋風斷鴈從誰託，  
老木清霜見本真。草草杯盤千里別，悠悠天地一邱塵。  
題詩忘却傷心處，為是傳家有鳳麟。

讀汪氏義武忠烈二碑

宣慰公初聞之久矣，今年夏公枉過余于長



安客舍不獲欵曲為恨未幾初以事至鞏昌  
將謂得奉承詠言論以償夙昔願見之心也不  
數日公復以事詣涼州胷中鬱鬱未遂快悵  
因讀義武忠烈二碑作五十六字書以留之  
以為後日與公相會之資云

矯矯風神義與忠堂堂父子隴西公孤城抗節前朝事  
萬死開邊此日功上國賢藩俱倚重諸孫此志獨稱雄  
兩碑讀罷登高望落日祠堂滿樹風

送梁貢父

少日騫騰鷹脫鞵祥刑秋色上吳鉤五年直到天低處  
萬里生還海盡頭尊酒相逢有今日惡懷無復論窮愁  
此行敷奏蠻荒了合近天家五鳳樓

挽陳參卿季淵

文源浩汗接元麻詩律新奇自一家人物百年誰鶚表  
秋風孤劍幾龍沙膝橫坡老敲門杖頭戴淵明漉酒紗  
恨殺歸來纔幾日白楊原上鬧啼鴉

挽殷僉事獻臣

曾扈龍旂北斗傍，遠持使節到扶桑。性情邃密希前宋，詩筆淋漓近晚唐。方倚細陳青淚疏，不期便入白雲鄉。傷心千里燕南道，落日鴉啼墮樹蒼。

次前韻贈雷苦齋侍御

倚遍江湖寺寺樓，却乘驄馬到西州。心如老柏千年雪，節似蒼崖萬仞秋。公議自當歸宿望，時評且莫歎遲留。萱堂強健兒知學，底是君侯可用愁。

送程侍御鉅夫

一封丹詔九天來，御史青驄翰苑才。廊廟久勞思稷契，邱園初不望鄒枚。定知天下無雙士，正在君侯此一迴。自昔焚材為晉用，中原麟鳳莫深猜。

青宮賜教化參政海青

瀚海東邊百尺崖，崖頭霜鶴盡雲開。紅香曉動千官合，綠漲春圍萬馬來。俊氣共知為異物，老拳真見不凡材。當時寵錫冰無意，已有輝光極上台。

賜蒙固岱平章海青

海東青鷲氣凌空，錦臂條籠下九重。春水纔溶千頃綠，頭鷺已落半天風。須知神物不易得，自是聖皇酬有功。丞相黑頭誰與比，此心正要答宸衷。

張提刑向尹大興天子以二海青寵錫之未幾

拜薨命則知睿眷之有在也于其行作詩以勉

之

龍旂簇杖暖生煙，鷲鳥搏空控老拳。萬里風頭飛雪急，千官影裏得春偏。也知顰笑非徒爾，始信澄清不偶然。為報山巒莫回首，雄心長在碧雲邊。

吾鄉之崖有以青得名者，余嘗取以自號。至元十四年，偕御史國瑞、外郎周卿，有東州之行。道出閬州，閬之南二十餘里，佛閣突兀，因周覽形勝，得河南人王子京青崖石刻，不知閬之崖與吾鄉之崖一而二者耶？抑海內一家山川脈絡同一元氣，二而一者耶？或其偶與之合耶？乃書

此以識

遙遙閣道倚空青，湛湛澄江練影橫。  
千佛參差半天上，四山環合一川平。  
雲間烟火無閒地，畫裏昇平有此行。  
鄉國三年六千里，偶于仙苑見崖名。

留別憲府諸公

五年驄馬頰何厚，一日天恩愧不任。  
共道相從有知己，定交何必到分金。  
兩行清淚三年別，一片白雲千里心。  
珍鄭鳳皇城下客，明朝走馬蜀山深。

寄商左山

清明後數日，陪姚雪齋、張鄰野、雅集于龍爪亭，偶得五十六字，奉呈左山相公，千里一笑。  
麗澤門西十里亭，記從別後幾清明。  
梯航遐國歸籌畫，柱石中朝望老成。  
滿眼青山連夜夢，一尊明月兩鄉情。  
花時更向東臯醉，腸斷雲間百二城。

欽定四庫全書

青崖集卷二

元魏初撰

六言詩

奉答廉公勸農

廉君以御史弘道六言二詩見示因次其韻

又作二十八字奉送吾同寮太原之行

小烘茶瓶帶臘新封酒甕迎和醉裏西山南浦眼前仰  
嶺高塢

滿眼江山圖畫，五年風浪窮船。誦讀愁無眼，兀栽培正  
在心田。非帶瀛海徒風，豈知滄海。田田共  
章江晴綠，逐春生鐵樹祠前。有此行人笑青崖癡老子，  
愛君古意未忘情。

港口舟行是日，室人生日，寄此為壽。

歲歲逢君此日，相望長在他州。風雨吳頭楚尾，五年才  
共行舟。

今歲纔春又別，洗粧應在書樓。細卜歸來消息，荔枝紅  
徹迎秋。

七言絕句

贈高道凝

侍御道凝之尊君侍郎先生在中統末建元  
之前十年，我先大父王峯被召薦中州名士  
大夫六七十人，有曰西京高聖舉年三十已  
上博學善屬文，通世務有器識，廉介有守，可  
使臨財，亦可以臨政。歲丙辰，遺山元先生入

燕初朝夕奉杖屨曾聞其說今之能文者李  
之和、高聖舉人莫之識也。自後初嘗求先生  
之文如記如序如詩文，往往讀之不能舍去。  
道凝初相識歲久，未嘗以事相接。至元二十  
三年初，承乏江西憲司，道凝已彌綸省闈有  
日矣，用是得款奉言教。今行臺金陵，敢以四  
絕句歌詠其梗槩云。

吏部真純玉不如，濟時心徹五雲車。  
中州名品存公議，先子垂亡有薦書。

吏部文章不近名，悠然流水與雲行。  
百年文柄遺山在，曾道波瀾獨老成。

中郎才業自家傳，際遇青宮倚注偏。  
宦愛兩年無一事，雍容簪筆直如椽。

江南驄馬舊知名，共喜金陵有此行。  
去去鳳凰臺上月，拍拍江風雨聽秋聲。

贈李吉甫

故人相見眼增明，尊酒殷勤且未平。  
恨煞簿書塵土裏，兩年寂寞度秦城。

贈史子桓

泣血尋親白髮兒，牛腰半是昔人詩。  
傷心四十年前夢，一片白雲無了時。

贈宋碧湖

碧湖老子識朝賢，白璧明珠有此篇。  
青眼相看豈虛語，不妨收拾買山錢。

趙伯恭母八十

養心戒飲不易得，讞獄平反陰有功。  
聖善壽徵應在此，百年無日不春風。

陝山寺

孽破深青太華雲，中浮濃綠是通津。  
畫圖盡有江山在，

紺碧瑤環恐未真。

寺傳有表瓦玉環故事

宣德

曾侍蒲輪四月行，入冬風雪哭銘旌。  
到今三十餘年事，



依舊山園水遠城、八八風雲哭出聲、  
公三十歲平遠

寄揚州金使君

兩年不到摘星樓、雁隔江聲送客愁、  
昨夜金山船上月、澹隨帆影過中秋、

柳潭垂釣

陰陰楊柳一絲風、脚底行雲在鏡中、  
不為君王官同載、便將煙樹換齊東、

巡按京兆口占二首

二月五日巡按京兆諸君祖道漢中城北醉  
中口占二絕、至陳倉書付金州邸萬戶之第  
二子持去、

憶昨春風石馬園、

園有石馬二、不知何代墳也、

偶因離別却成歡杯

行交錯殊無意酒到轟騰不屬官、

此別分司拚數日、渾教聚首是三年、  
臣門如市心如水

有底籬籬不醉眠、

實錄記昔、言然三氣風卷入悲涼、  
昔昔昔昔昔昔昔昔昔昔

寶殿光輝記昔遊川原風物入悲愁  
兒曹曾識東園老  
彈指中間到白頭

望漢王城

漢水之北有原峻峭其上砥平  
土人以漢王

城目之至元十五年因課農登法隆院閣時

山雨乍晴綠野平遠在奔走羈鞅中得凭高

佇目亦一快也乃書此以識

陰陰樓閣復層層脚底風煙綠樹平行到上方  
人不見

倚闌獨有漢王城

獨石

打頭土屋椽如漆容膝荆林雨似秋  
分例一杯糜子酒

幾時能近鳳凰樓

洋州公宇讀文與可蘇東坡詩刻

筓簪太守雪堂詩花滿亭臺酒滿池  
今日水空花老盡

一庭秋草冒蟲絲

宋氏家藏花光墨梅

人說花光物外仙、文章豪客欲移船、春風留在三花樹、  
要與東溪結後緣、東溪總尹漢臣自號也亦善于梅事故云

寒食不出

想得西湖放滿船、御街楊柳已生煙、輕風細雨無人到、  
獨立海棠花樹邊

冬除

行役經秋未到家、入冬消息望燈花、擁衾坐數更籌了、  
明日春生喜有涯

贈筆工李子昭

廣寒秋穎雪離披、湯浴中書舊有期、千古管城今樂地、  
未應人笑是書癡

雲中都賦雲中一首

雲中近代稱名郡、樓閣風煙亦可觀、一上官庭傳德語、  
文書如湧事如攢

獻龜

六月二十二日、予降日也、青溪早發、舟入以

龜來獻

自嘆元非搏擊才，海南歸棹趁風回。  
一杯湯餅逢今日，獨有河神獻壽來。

放龜

繞足青毛臂縷金，未應無意出江深。  
從今去去清淵底，珍重千年共此心。

送李兩山

南來喜見兩山詩，袖裏春風鬢欲絲。  
明日朝京五千里。

正如賈誼入關時。

送鶴田

樂章十二見才情，掛劍文章老更成。  
吉水一椽茅屋在，不妨高卧看秋耕。

送敬伯仁

牀頭白酒屋頭山，未老誰能得此閒。  
收拾寧山哭麟解，更休容易向人間。

送耶律伯強

不是孤高不愛官，過庭長恐負清歡。  
一盃菽水還家日，衰俗中間得此難。

送楊季海

交親零落鬢如絲，兩袖清風一束詩。  
明日還家有人問，青衫不似讀書時。

險阻難艱四十年，西溪詩筆舊情緣。  
珠簾寂寞西山雨，又逐孤燈上客船。

豐州

五更騎馬望明星，細草坡陀迤邐行。  
一片長川天不盡，蒼花如雪近豐城。

溪亭午憩

傍溪亭子蔭龜魚，花竹迷藏畫不如。  
檢點江頭春事了，不妨高枕卧看書。

三徑納涼

闌干歌曲護羣芳，恐似陶家欲就荒。  
日午坐來松影合，南風吹雨似秋涼。

南人偶題陰德記後

國子監曲大定間漳川董公為道源李先生撰陰德記

書二本一備史館採訪遺逸一遺其子師益

俾知仕進之所由來嗚呼前輩喜人為善且

樂于激勸其意味乃如此道源先生之遇不

遇雖與文正公不同志則一也其為人必不

凡故為時輩所重敢作詩以識之

不為良相願為醫落落胷中亦自奇一片活人心事在

百年名筆有真知

峽山寺別雲憲使文宣慰詩人李梅南

來時船疾不曾登去日星飛又促行經為請公暫留別

四更燒燭看題名

代州別劉雲溪公

愛我疎愚獨數君愛君真寔更何人相逢不惜相將去

醉倒玉壺別有春

寄遠別

千里長河五年戍，萬山風雪斷來音。  
屋頭昨夜霜如席，愁折金閨一寸心。

田家謠

五月軍回未有期，不禁煙瘴入枯脾。  
馬頭一骨還家日，只有弓刀似舊時。

為戴秀才題張鷹乘槎圖

一片枯槎物外仙，浪花如雪水如煙。  
只應直到天開處，冷笑閒橫盡日船。

新塞二首

萬事乘除不可期，此行休怪到家遲。  
千山萬水秋光裏，盡是君家得意時。

送別交親有所思，却愁騎馬到家時。  
從渠看得青山飽，人事如今不要詩。

弘州

百年雄傑玉屏老，疑有英靈在此間。  
幾日鄰鄉買田了，閒時騎馬看南山。

出溘浦寄劉牧之

九江一月又吳東，千里青山半日風。  
昨晚看潮亭子上，一尊白酒與君同。

胡仲濱益堅齋

不為求名效獨醒，不緣蹭蹬便忘形。  
留教吏部文章在，盡是君家座右銘。

宿神溪

千丈危巔鳥道斜，萬山深處見人家。  
年來常有催租吏，却恨溪流片片花。

醉吟

一別醉鄉千古夢，無邊塵事百年身。  
青山滿眼花如錦，莫遣劉伶笑殺人。

杜止軒詞翰

方朔才名語意新，收之風調筆如神。  
龐翁苦節秋風客，未必如公出處真。

十月見蟾子戲成



蟄後垂纖見亦奇，只應佳信示前知。  
床頭鏡子拈來看，未由分清霜入鬢絲。

松澗張君

老澗陰深百尺崖，崖巔松影矗雲開。  
幾時得向松間醉，細聽秋聲帶雨來。

梅坡張君

曲水亭邊酒一卮，風流文雅記當時。  
而今西去船頭月，除有梅坡五字詩。

竹山張君

山上亭亭竹萬竿，山前花木曲闌干。  
高情誰似山人好，教子讀書不覓官。

竹

冷拂苔痕綠影香，細抽空碧出鄰牆。  
風來瑟瑟驚秋寂，雨過梢梢弄晚涼。

送僧遊蜀

峨眉山色錦江春，劍壓空嵐玉壘塵。  
別後登臨有佳句，

不妨忙却坐禪身

港口舟行

雞犬山田計未成  
白頭又有海南行  
只應湯餅逢今日  
兒女相看話此情

送周集賢正平致仕東歸

江山如畫四時春  
獨有操陵氣象真  
館閣風流有今日  
鹿庵之後更何人

寄耿伯玉臺榭

愛君情味唱君詞  
一別秦亭有所思  
碧玉斝盃荔枝酒  
夾城花暗獨來時

嘉慶圖

小小瑤華楚楚蘭  
茶芽瓶子荔枝盃  
太平三百年前事  
猶及江南畫裏看

劉漢卿蓮社圖

不為廬山面目真  
不因詩酒自由身  
高情未落龍眠筆  
元是羲皇向上人

畢舜舉蘭亭圖

歷井捫參蜀道難，扁舟江海又狂瀾。昔賢觴詠今無復，畫裏風流亦好看。

伏生授書圖

心傳心學見都俞，秦火燒來一字無。若道漢儒無補益，如何留在授書圖。

韓君美所藏文道觀馬圖

千金奇骨豈易得，方外若人猶爾憐。自是龍眠有深意，不應參作畫中禪。

王子武看馬圖

深院移牀簇侍兒，高監雲髻綠絲絲。情知檻下駑駘骨，不到渠家入看時。

題揚國寶藏畫馬圖

黃馬昂頭似啄烏，墨雲滿身千里駒。而今沙苑春風裏，落日晴蕪澹碧鋪。

鴈鷺圖

金定四庫全書  
卷二  
晴溪沙暖鴛鴦睡小塢花濃蛺蝶飛誰畫賓鴻與飢鷺  
澹香疎菽雨霏霏

題揚國寶鵲華風雨圖

簿書堆山日停午坐久髭鬚滿塵土爭如六月濟南間  
鵲華峰頭看風雨

宋上皇詩意圖

月落風煙變古今畫圖今見入清吟可憐意匠經營小  
不到蒼生未了心

馬嵬

九齡既罷事已矣偃月堂深禍更深縱把霓裳都拂去  
未應邊馬不駸駸

春草坡前萬馬塵麝香猶帶荔枝新思量前日盤中舞  
含笑君王是路人

卜彥才所藏赤壁圖

江山人物記當時再得坡仙境益奇今日披圖見高興  
簿書慙愧鬢如絲

出西鄉

人歌人笑上茶園  
花淡花濃隔稻田  
十日按行秋色裏  
畫圖才出武陵川

越王臺

春風青草越王臺  
脚底連雲海  
船回萬國昇平有今日  
笑人陸賈奉書來

蔡堤散步

堤上葵花爛錦光  
晚風吹袖獨彷徨  
不應畎畝棲遲處  
忘却傾心向太陽

送別

去國十年鴈影秋  
又逢離別可堪愁  
猿聲一道巴山黑  
黃葉孤城月滿樓

贈史紫微參政

王濬樓船下夕風  
順流聲勢下江東  
誰知更有如椽筆  
氣壓吳山第一峯

郊行

入山深處更山深，一片晴波一片金。莫道人家不成畫，  
羊牛都在綠楊陰。

題竹林七賢圖

滄海橫流百戰身，此心獨有醉鄉真。逢君莫怪清狂客，  
辛苦潘郎拜路塵。

書字崖

溝上蒼崖丈五高，昔人題此詫邊勞。到今二百年來許，  
一片空圍半野蒿。

梅嶺前人有詩上得梅山不見梅，又云著俸買  
裁三十本，清香留與雪中開。因次其韻。

南海城邊奉使回，庾關曾記嶺頭梅。自憐心似千山雪，  
不見清香次第開。

題牧牛圖

流水蒼煙綠樹坡，青山牛背飽經過。生平儘有安排處，  
辛苦齊人扣角歌。

凌德榮竹石圖

翠影袖空弄晚涼、雨苔含碧、漬秋光、漫山桃李春風底、  
不似幽人意味長、

寄答雷按察

中州元氣文章伯、四海今知有使君、一片濟時心未了、  
風稜亦足張吾軍、

行役匆匆力未任、欲因衰懶事幽尋、詩來重謝多提獎、  
跛蹙何堪有此心、

題盛教諭家葺山水圖

剪破湘雲一片春、濃橫滄遠總宜人、幾時跳出黃塵去、  
此畫中間著此身、

瞿塘圖

瞿塘事去已千古、蘆荻花飛兩岸秋、四海昇平有今日、  
卧吹簫管到杭州、

油井

細溜津津湧石尖、雲腴隱隱復遲遲、銀缸滿貯燃燈坐、  
似向東川看井鹽、

百井

才出并州第一程、憑高百井見孤城、瀟瀟風色今如此、却憶梅花雪裏行、

懷古

人道梁山是帝墟、石樓苔雨上金鋪、千年留得降王在、

辛苦昭陵六馬圖、

乾陵前有東西班共六十四人衣冠各異背刻本國王名及所受唐職云

題李吉甫所藏寥休詩軸

誰道寥休與世疎、青天推上六龍車、看來詩筆今如此、

著白山人恐未如

徽州學正胡泳子游自京都來過予于維揚以  
士常中郎長詩見示又省掾王約彥博謂子游  
文筆有中州氣象用是不敢以常書生遇之十  
月復會于杭且以樂府辱贖將孥身歸江東因  
作二十八字以贈

冠無獬豸帶無魚、鶴步芹宮足自如、一片青山滿船月、不妨讀盡晦翁書、



金定四庫全書  
卷二  
挽宋海印居士二首

詩酒交親半老臣，田園成趣自由身。  
回頭行路風波裏，得似先生有幾人。

楊柳陰陰拂綠苔，杏花寂寂向誰開。  
黃梁夢覺知何處，白玉樓成不果來。

九日對菊憶姜霍二使君

秋意生香簇綠雲，土膏裁滿石頭盆。  
誰憐白髮人千里，獨對青山酒一尊。

高樹圍前射箭時，小書樓上共題詩。  
揚州燈火京城夜，獨立秋風有所思。

渾源

曾從仙子看南山，玉井波深雪色寒。  
今日重來三十載，兒郎騎馬是清官。

三角城

靈夏兵塵百戰塵，城根石壁直齷雲。  
高當時遺老今猶在，說似山前有界壕。

挽姨兄尚書劉公五首

外家宅相悲零落母氏風流記阿姨獨有吾兄今又去  
百年親話更誰知

高梁河上十年別白塔亭前再見時萬里風沙顏色黑  
敝裘如結鬢如絲

鐵石心腸報主知一生一死隔毫釐旌旂日影丹墀上  
三拜尚書亦自奇

牧之萍梗自吳東南非音容只夢中莫恨終天曾不見  
天高留付若堂封

中郎堂上尚書宅才得從容又別離今日歸來亦衰病  
兩圍秋草不勝悲

許左丞哀挽

至元戊辰嘗從先生入京見先生敷奏如學  
知生知之說人心道心之論皆款曲至到雖  
承詰問辭氣自如繼掌大政辭不受祿今雖  
云已令人慙仰不肖頗辱教愛敢作詩以哭

之順聖魏初枚淚書

學道躬行意味真、愛君辭氣見忠純、千秋萬古先賢傳、合作中朝第一人

挽李仲常運使

劍門秋色記分司、煮茗西湖誦晚詩、青眼如君幾人在、不因鞭策獨傷時

挽司農侯伯祿

人誇鐵面自河東、晚歲潛心理性中、一日歸來便長往

幾人終始得如公

挽趙教授

馬鬣封前之妙辭、牛腰卷裏又題詩、傷心故老凋零盡、誰說宮門唱第時

挽夾谷士常

公事關心每盡勤、文章細意見為人、野齋不負為知己、馬鬣封頭筆有神

挽宋漢臣鑑山

長安醉倒十年餘，老木清霜一夢如。  
前輩風流幾人在，鑑山詩卷有圖書。

挽輔正臣

讀徹閩人痛哭詩，風流遺愛見新詞。  
傷心御史青驄馬，今日行行避有誰。

悼亡姬

草堂一覺巫山夢，行雨行雲今不知。  
半夜青燈兩行淚，催粧猶記去年時。

廉泉

廉泉喬木出氛埃，聞道平章手自栽。  
一絳綠衣人不見，依依如待相公來。

滕州王真卿父母八十之壽

人生偕老古猶稀，八十相看一與齊。  
有子有孫家事了，千年雙鶴上天梯。

成美堂

偃蹇昂藏頗自奇，與人成美不求知。  
黃金鑄就官街屋，

不及傳家一軸詩

子午渡早發

五葉葵花盃口平、虎蹄新過樹無聲、三年按部成何事、才見山王遠避行

汝郎川

汝郎川濶草油油、秃尾河淤一漫流、行上沙岡入不見、秦田平碧澹生秋

秋江晚景

老樹蒼崖漬雨秋、布帆風滿夕陽舟、生平一片江湖夢、不到元龍百尺樓

池荷衰颯菊芬芳、策杖吟詩上草堂、滿目暮雲風捲盡、郡樓寒角數聲長

佚老堂為庸齋薛先生題

入海抽身得自由、只隨耆舊見風流、而今冠蓋長安道、老死黃塵不肯休

書王伯堅尚書海棠詩卷

相鄉花好入詩傳，夢裏石家錦障鮮。記與使君曾共醉，

江郊亭下水如天。

江郊，相鄉之園名也。樹下有池如浸爛錦。伯堅尚書以夢符海棠長詩見

示有相鄉三樹尤堪誇之句。因書二十八字以識拜觀之歲月。至元辛卯七月四日。

### 甘泉

羊牛幾點土空黑，盡日人煙不數家。賴得甘泉城外道，

浴波如練帶川斜。

### 府谷

行行春雨復秋煙，西去長安又幾年。日落空庭望南北，

黃河城下水連天。

解州傑景陶軒

梨花澹澹柳絲絲，午夢醒來半醉時。門外紅塵三百丈，

至人高卧看陶詩。

### 愚軒

林頭白酒屋頭山，數冊閒書竹兩竿。張目不知人說似，

門前騎馬是高官。

### 蕭御史公琰

章章綿蕤叔孫通矯矯麒麟御史驄四海昇平有今日  
更須危論沃宸聰

順聖先壠拜祀後有述十首

譜牒從姬舊有傳、移家桑水憶當年、只緣遺澤今仍在、  
留得諸孫拜墓前、

菽水承顏盡所歡、傳家風土占高寒、力田桑梓供租了、  
孝弟讀書事最難、

袖裏春風事藹然、不爭功利不爭賢、蘇州一說天機在、  
南北無兵四十年、

不愛君家億萬貲、求師教子動京師、春風丹桂三千尺、  
秀出十郎更兩枝、

操藝逢時與命違、恬然心事不求知、兩魁文賦今仍在、  
正是諸孫墮淚碑、

河北兵塵撥不開、河南撐住數奇才、邾城一死人爭惜、  
不到褒忠廟裏來、

羽書南北無消息、山壓孤城破卯時、一片丹心倚天地、

未應巡遠是男兒

危節中間奉節行，堂堂忠義見平生。歸來杖屨林泉下，誰遣天朝識姓名。

詩禮庭闈少日情，亂來風雨一燈青。慙勤著就三千字，留與諸孫見典型。

邱山零落愧何窮，堂構空存慘淡中。倚日青松一千樹，石鯨鱗甲動秋風。

東峽

青崖直上聳蒼煙，東峽中邊盡水田。賣劍買牛吾有意，會須桑梓似當年。

馬謙甫頌貞齋

不必區區名利場，恰將真偽試論量。捫心有愧秋風屋，便與山雷是兩鄉。

賦

三秋霽賦

并序

丙辰春正月不雨，夏四月不雨，秋七月雨，雨



之明日霽僕也感萬物之得時傷所懷而未  
遇遂與客登燕昭之故城而眺焉草木林莽  
川原隴坂文文質質千種百品若有喜涼風  
順白露私分或遂有期而不怨尤于天地間  
者僕于是心攝神靜氣浩志定而向之所感  
一掃而無幾矣孟軻氏所謂舍之者非也助  
之長者亦非也繫于此有得焉因一賦云  
羲和烜赫以鞭馭兮扇乾坤于一鑠奈時令之靡常兮

忽金精之炳爍起燭龍之久蟠兮吸滄海其如勺兮甘  
澤于四時兮俾死者而復作扶桑曉兮白日升清風發  
兮重光明無山河與陵陸通改色而增榮田千里兮咫  
尺黍離離而變青如行役之調飢獲壺飧與豆羹太行  
掃碧以西鷺碣石東峙其崢嶸漁散舟于岸曲席翻明  
而漾輕林陰疎而逗日見行客之營營駭蟬螻之焜耀  
奄東天而橫掣忽空中之白鳥亂晚風之晴雪高者隆  
低者偃顯者近微者遠無甘苦與強弱齊結實而錯落

皤皤乎如三代之民兮、不知孰為之孰使之若也、予于是悚然中以外變情、因迹移、鼓腹長嘯、神和氣怡、知昨非而今是、諒窮通之有時、舉酒飲客、侑之以詩、釣寂寞之濱兮、魚鱗可食、登巉巖之嶺兮、雲輕可衣、有書而讀、無疾而嬉、富與貴兮、貧與卑、得不得兮、吾何知、客曰、蕭瑟兮、草木搖落而變衰、慄慄兮、若將遠行、登山臨水兮、送將歸、此非楚大夫宋玉之辭歟、蓋秋之為氣、肅殺寒涼、似乎叔世、君昏政荒、故商婦起琵琶之怨、逐臣多去國之傷、今子以可悲者樂、可戚者洋洋何也、余徐應客曰、蒹葭蒼蒼、白露為霜、匪霜而蒼、為妖為殃、匪蒼而用、為怪為狂、知垂綸採芝者、非示潔則知走高門要大駕者、不足揚此天之理、所以一吾之理、所以常固、亘十載而彌光者也、客亦驚悟、形神兩忘、但煙汀之去、鴈空夕草之寒、蟹

欽定四庫全書

青崖集卷三

詞

木蘭花慢

為安總管壽

記鳳凰城下走飛騎，危龍舟正春水生。波頭鵝落雪風，  
 偃貂裘西南憲司高選。自并汾以去，數君侯處處隨車。  
 有兩行行白簡生秋。今年冠蓋駐梁州，民物沸歌謳。  
 看綠水平田，人家煙火，桑柘鳴鳩。輝輝虎頭黃節道看

元魏初撰

看飛下日邊頭、儘把中原山色與君同。醉南樓。

又為姜提  
刑壽

記當年分陝、擁飛蓋、入長安。把渭北終南、秦宮漢闕、都  
入凭欄。追隨大渾幾日，又嘉陵山色上征鞍。楊柳離亭  
痛飲。梅花樂府新翻。一封丹詔五雲間。全晉動河山。  
看疋馬橫秋、弦轟霹靂、虎卧爛斑。生平此心耿耿，道君  
恩未報，敢投閒。袖裏昇平長策，春風咫尺天顏。

又為完顏  
振之壽

笑功名、謾我、都幾許。競匆匆、記玉佩紅鞋、長安陌上、人  
指青驄。歸來買田故園，儘人間、社燕與秋鴻。喚奴擎魚  
溪上，看兒種豆邨東。算來何物是窮通。只有讀書功。  
愛杖屨風流，崖西古石，舍北長松。宦塵千丈如海，更何  
心鞍馬遊奴童。萬古醉中天地，井蛙湖海元龍。

又為馮副  
使壽

記春風、門巷、騎竹馬。舞青衫、笑我拙，何堪君才十倍。頭  
角巉巖，讀書故都喬木。更含香、蘭省並歸駮。醉聽灤河

夜雨清吟太液秋蟾。別來何物是新添。霜入鬢毛尖。  
正渭北江東。莫雲春樹。得共新銜。人生別離居半。但公  
餘有酒且醺酣。幾日鄰邨。桑柘夢中煙。雨江南。

又 宋漢臣墨梅并序

嘉議宋公于子為世契。兄向過洛陽。吾兄適  
宰是郡。尊酒留連者累日。邇後訃音至長安。  
予不勝驚悼。今年以事來京都。其弟義甫祕  
監會于東溪。出示嘉議墨梅橫幅。因作長

短句一章。兼致區區追挽之意云。

愛筆頭<sup>端</sup>造化。春不盡。思無邊。看詩意精神。不求顏色。物  
外神仙。回頭水南水北。覺冰姿玉骨。却凄然。一片肝腸  
鐵石。三年雪月情緣。洛陽尊俎。記留連。慷慨正華年。  
恨鞍馬匆匆。長亭老樹。芳草離筵。西風鴈來何許。忽傳  
將幽恨到重泉。昨日東溪再過。不堪塵滿冰絃。

又 次韻奉答雪溪劉兄

記漢皋亭上。從別後。幾秋風。愛詩酒追隨。衣冠雅重車。

騎雍容回頭白雲汾水又傳將淮海避青巖秋風官府年來  
有禁音書未易相通 肝腸如鐵氣如虹佳句入清雄  
問渭北江東莫雲春樹此意誰同虛名百年慙愧懶吾  
鄉風物近河東幾日鳳凰山下雞豚社酒迎逢

又寄贈閬州  
楊宣撫

問高城鐵甕緣底事淨妖氛道霜落長安元戎闡令萬  
騎雲屯人人知自有用望金湯直上撼乾坤海陸鯨鯨  
掀舞秋風怒捲孤豚 將軍却恐熾炎燠玉石到俱焚  
便立馬城頭扶傷帛病不侈奇勲區區蠶蜂螳臂算從  
今都合平吞一片旌旂閒暇夢魂常繞夔門

又送張夢符  
治書赴召

正江南二月春色裏送君行對芳草晴煙海棠細雨不  
盡離情思量漢皋城上共當時飛蓋入青冥醉後嘉陵  
山色馬頭楊柳秦亭 十年一別鬢星星慷慨只平生  
愛激濁揚清排紛解難肝胆崢嶸此心一忠自信更太  
平丞相舊知名寄謝草堂猿鶴移文未要山靈

石州慢 留別雷御史

才得相從，還有此行難離。合交錯公餘，頗喜新涼。杖屨頻承談益，白衣蒼狗，不如付與無心。到頭誰是真功業，天地儘知音。足清風明月，應惜枯罷，未脫瘡痍。鞍馬不嫌驅役，筆底清霜，隱隱已沾鬢髮。秋風萬里，飄飄老鶴，搏空鷓鴣。尺鷃甘沈，沒開歲待君來。滿江南春色。

又次高郎中道凝韻

千古汗青勲業，幾人能是雄傑。麒麟畫像當年，轉首許多除折。前邨月底，一壺春酒，追隨梅花解軟。肝腸鐵萬事儘悠悠，只固吾窮節。愁絕倦遊，歲莫棲遲，風雨一枝鳩拙。意廣才疎，事與古先殊別。夢中鄉國，閒時獨上城樓。角聲旂影，供淒切。醉裏倚闌干，滿西山晴雪。

滿江紅 寄何侍御

少日肝腸雲夢地，氣吞八九。今老去才疎計拙，百居人後。倦處收回行路脚，懶來噤却吟詩口。算從前四十九年，非如回首。風與月須回，久誰放我成三友。笑官倉

紅腐、可堪癡守、倒鳳顛鸞、吾已百事矣、淋漓醉墨、蚊虻吮儘、都門冠蓋、擁紅塵、青青柳、

又寄何繼先御史

落日何山人好在、鳳凰城闕、還記否、長安城下一盃離別、芳草連空春欲暮、落紅千片、飄香雪、憶使君、昨日出潼關、今三月、吾有意、從君說、君為我能周折、想臺中評議、正勞提挈、走馬秦川塵土裏、離愁一似年時節、問白頭老母、倚門心、何時歇、

又為書史王慥甫壽

年少才華文字裏、已曾相識、還又喜、栢臺高選、我承飛檄、筆底輝輝多古意、幕中隱隱當勅敵、更今年相從入川來、良多益、心與膽當如石、須不負文章力、要他年事業、轟騰霹靂、自覺空疎成底事、愛君文章雅吾平昔、把清江都與釀成春、如鯨吸、

又為雙溪丞相壽

借問中朝誰得似、相公勲舊、記前日風雲、慘澹雷霆奔



走萬里野煙空綠樹旌旂莫捲熊羆吼便挺身飛出虎  
狼羣人能否元自有談天口初不負經綸手更詩書  
萬卷文章星斗樂聖銜盃應暫耳不妨桐院閒清晝願  
壽杯青與北山松俱長久

又為張右丞  
壽二首

梁父孤吟已認得真龍頭角記當日江山如畫一時英  
略立馬便談天下事鳳池十倍揚州鶴更詩書萬卷駭  
心胸無邱壑活國手千金諾自不負麒麟閣算點鞭  
餘事不妨清酌今日文昌虛八座鬢毛莫遣星星却要  
袖中霖雨洗乾坤侵寒廓

天造雲雷問誰是中原豪傑入畫道青錢萬選使君高  
節自有胸中兵十萬不須更事張儀舌看千秋金鏡一  
編書心如鐵天下利君能說天下病君能切要十分  
做滿黑頭勲業樂府新詩三百首篇篇落紙揮冰雪更  
醉來鯨吸捲秋波杯中月

又登汪師展江樓  
次周卿韻

落日江樓山不盡亂雲橫碧還又見人家烟火倚天青  
 屏貌虎夜攢分遠近魚龍入海無南北道軍門昨夜有  
 人來傳佳檄歌慷慨吾平昔今潦倒嗟何及幸此身  
 膏沐太平文章德方喜詩壇逢老手却愁酒陣當強敵便  
 從今都與捲降幡知吾必

水龍吟

為祖母太夫人九十之慶

玉峯千古高寒浮花細葉難相稱風流不減謝家林下  
 藹然輝映應最關心歲時伏臘蘋蓴薦敬笑人間兒女那  
 知許事空脂粉香成陣慙愧兒郎草草滿金杯綠浮  
 春瑩此心但願旁霑親舊年年康勝一曲龍吟又傳佳  
 語尊前試聽道期頤未老十年今日再安排慶

又

予誕日不得與兒子必復相會聚者凡六寒暑  
 矣今年是日必復以詩上壽有勇退神仙今  
 不遠之句因  
 以此曲示之

平生翰墨箕裘誤蒙獬豸分司早登車攬轡風煙萬壑  
 連雲鳥道五載歸來中臺無事江南芳草記錢塘門外  
 西湖湖上登臨處知多少夢裏五雲樓閣正瞻依玉

塢春好南海陰風越  
臺暑瘴不禁懷抱白粥青蘘平心  
養氣萬緣俱掃便從今收拾黃牛十角只閒中老

念奴嬌

為王約齋  
紹明壽

離騷痛飲問畢竟世上功名何物  
眼底誰能知許事只有雙鳧仙客  
一局殘碁兩窗疎翠談笑揮冰雪  
紅塵千丈定知不到雄傑  
昨日黃菊籬邊淵明招我逸興悠  
然發今日秋香猶好在請對玉芝  
仙骨富貴謾人雲翻雨覆枉換青  
髮不如高卧浩歌且醉明月

沁園春

留別張周  
卿次韻

自揣平生百無一能此心拙誠甚  
年來行役交情契濶東奔西走水  
送山迎遙望神州故人千里何幸  
今年共此行瀟瀟雨算幾番茅屋  
燈火殘更從教長路欵傾拚一醉  
都澆磊砢平向白雲直上君吟我  
和綠波江畔我唱君賡恰到相逢又  
還相別慙愧人間功與名長亭外  
望野煙春草不盡離情

又送霍國

瑞

雞舌濃香、朝馬晨鐘、十載禁庭、恰行春、綠野從容、冠蓋  
 人家煙火、相望昇平、一夕霜臺、又領新寵、白璧青錢、到  
 姓名人爭道看、春風袖裏、霹靂砰轟、誰憐漢水孤征、  
 得旂旆相從、有此行、愛風流、凝遠長歌、細飲青燈、夜語  
 款曲、交情恨、殺文書、官程未了、又到殷勤、唱渭城、百年  
 裏、算悲歡、離合幾度長亭、

又次張可與郎中韻可與郎中與晉卿  
 德昌以樂府相唱酬初不祭奉次

三子追隨、文筆崢嶸、相如上林、正遙山雨過、嵐光湧翠、  
 平湖風起、天氣行金、老我何堪、頽然于上、得共停舟、賞  
 此音、高歌罷、似千山月冷、萬壑龍吟、玻璃莫厭杯深、  
 儘塵土機關、若用心對湖山、如此安能不醉、交親知己、  
 何處尋、慷慨中流、闌干拍徧、離合悲歡、一古今、明朝去、  
 向滕王閣上、莫雨孤斟、

水調歌頭送張夢符

一代橋軒老、曾次浩無窮、當年比度、元李氣象鬱相同、  
 况是文章翰墨、泚泚龍拏虎躍、又得復齋公、俛仰想前

輩風采照區中。羨君侯三尺劍，六鈞弓。風雨踏地奔  
走，齷齪笑田翁。今日衣冠華選，前日龍門飛李。歌咏入  
清雄。看取此回去，奏論大明宮。

又喜  
雪

南國晝多霧，大是寫真詩。今年何許春色，吹作雪花飛。  
人道使車剛節，我道使車和氣。此語未應泐簿案，儘叢  
雜梅竹，復參差。釣魚君。今老矣，復何之。人傳日邊消息，  
四海入皇威。况是髯張癯霍，偶有相逢今日，時復吐  
奇辭。朱子有佳酒，連為倒瓊卮。

感皇恩

次商參政韻

睡起獨登臨，不禁殘酒。樓上闌干壓晴柳。好山凝望，良  
是慰予心友。風煙春近也，平安否。畫戟朱門，誰堪炙  
手。茶社詩盟要長久。年來和夢無復，東奔西走。麒麟新  
畫像，從渠有。

鷓鴣天

次姜御史韻

雨過雞窗覺夢清。文書一束五更燈。愁于飢鴿寢于鷓。

閒愛孤雲靜愛僧  
人似月酒如澗  
幾時別墅醉秋燈  
高情千古閒居賦  
世故驅人不易能

又九日  
晉溪

何處龍山事不偏  
晉王祠下水浮天  
參空鐵樹三千丈  
刻石名臣五百年  
歌浩蕩酒如川  
暫陪珠履對風煙  
自憐白髮無能事  
只有丹心在日邊

又霍國瑞母  
八十之壽

少日教兒苦讀書  
只今驄馬到亨衢  
鏡中雙鬢秋難染  
膝上諸孫玉不如  
花澹澹竹疎疎  
風流好個壽星圖  
平安日月從今數  
百歲平頭儘有餘

又贈王敬之御史  
耿伯玉臺榭

去歲新秋別鳳城  
今年春早會秦京  
人生離合知無定  
空裏相逢重有情  
花澹澹柳青青  
半風半雨若為平  
清明得暇還相覓  
醉倒沙頭碧玉瓶

又室人降日以  
此奉寄

去歲今晨却到家  
今年相望又天涯  
一春心事閒無處

兩鬢秋霜細有花  
山接水水明霞  
滿林殘照是歸鴉  
幾時收拾田園了  
兒女團團夜煮茶

江城子

為祖母夫人  
八十之壽

如兒花額粉香勻  
點新粧  
耆耄來真八十  
風流都屬太平  
人長日篆煙琴一曲  
瓶水暖麝梅熏  
酒烘仙艷暈微  
醺洞庭春要平  
公兒女團團語笑重  
情親更看藍衫紅  
袖舞歌姬姹小諸孫

南鄉子

贈友人

一別五雲城  
慙愧朝陽有鳳鳴  
奔走幾年成潦倒  
堪驚  
底事能傳萬古名  
猶記少年行  
可慣清尊獨自傾  
昨日東岡歡笑處  
誰醒吸盡人間竹葉青

定風波

長日心邊一事無  
放癡兒子走相扶  
不道牽衣緣底事  
笑指扶藜門外看平湖  
好借西鄰霜羽鶴  
更著青松和月兩三株  
一片春風千古意  
請倩取龍眠作箇壽星圖

朝中措

為寒仲山  
僉司壽

五年憲府記相看，秋水淨門闌。一曲驪歌別後，眼前萬  
里河關。愛君佳處，文書堆積，意思安閒。看取清秋射  
虎，短衣疋馬，南山。

清平樂

祖母夫  
人壽

珠圍翠繞，塵土知音少。一曲清琴松月曉。兒女肝腸容  
不。歌聲不用琵琶，銀盃細捲流霞。歲歲而今時候，小  
溪晴雪梅花。

太常引

堯氏園亭紅梅  
次徐子方韻

亭亭清瘦阿誰鄰，合占了百花春。蜂蝶漫成羣，只山月  
澹煙最親。舊家窗戶精神，好在紅簇麝香新。有酒到  
吾唇，更拚作花邊醉人。

人月圓

為細  
君壽

冷雲凍雪，衰斜路泥滑，似登天。年來又到吳頭楚尾，風  
雨江船。但教康健，心頭過得，莫論無錢。從今只望兒  
婚女嫁，雞犬山田。



點絳脣

次商台符韻  
送何侍御

昨日郵亭、樹頭一帶青山晚。綠波清淺。人與天涯遠。  
今日相逢、綠蟻新醅滿。歌聲斷。落紅零亂。夢逐春來鴈。

又 為孫叔庸壽

月底秋吟、愛君星斗銀河句。拍江風雨。認得船迴處。

十角黃牛、曾是生平語。相將去。綠雲千樹。作個菟裘處。

浣溪紗 為劉歸愚壽

前輩風流有幾人。拚教詩酒百年身。小紅燈影近新春。

醉裏看花城外寺。閱來課種水南邨。人間百偽不如

真

又

心地寬平見壽徵。鬢鴉勻薄只青青。從今却是數松齡。

除却弄孫無一事。閒時針線困時行。小兒新語喚文

荅

又

燈  
鏝火看兒夜煮茶。琴絲香餅伴生涯。秋霜原不點宮鴉。

家、  
十月好風吹雪霽，一天春意入梅花。壽星人指示仙

序

遜齋先生詩集序

先生諱元節，字子元，遜齋，其自號也。州人，渾源劉南山翁以女妻之，傳其賦學。中進士策，雅尚氣節，不能隨俗。俯仰仕至密州觀察判官，既罷，即道逸鄉里，以詩酒自適。年五十餘以卒。壬辰北渡，元遺山名重一時，于人品于文字毫髮不少貸，嘗收集中州名士詩文，得與其選。且為之傳，故先生之文行于是乎公論定矣。其孫振伯起，至元十九年，勅授江南浙西道提刑按察司經歷，以廉幹稱。二十三年，會余于杭，以余有鄉曲之舊，頗相愛念。因以先生詩集見示，古律共若干首。余謂金國百有餘年，以文章名家者如覺竹籟、王黃華、趙黃山、楊趙二禮部、雷李王麻諸公，不啻百數十人，其餘為兵亂磨滅者，不可勝計。今伯起收集先世遺文，以為子孫傳，其意

亦有足嘉者嗚乎衣冠之後有不得已存昏吏在商賈  
在農工卒伍者如其有先業之美而能繼起之是又吾  
伯起之心也故併書之其年五月順聖魏初引

送殷侍郎獻臣使日本序

唐殷侗使回鶻韓昌黎謂曰今人適數百里出門惘惘  
有離別可憐之色今子使萬里外國獨無幾微出于言  
面豈不真知輕重大丈夫哉又謂士不通經果不足用  
初嘗以是謂凡受命于朝者無得失利害必盡夫公而  
己一有計較則私矣今天子仁聖克肖天德際海內外  
罔不欲覆幬至元三年既受諸國朝賀將遣使諭日本  
用敷宣聖意命朝臣擇其人宰相以今殷君侍郎應其  
選制曰可京師去日本不知其幾千里也殷君受命言  
笑自若用是知殷君能審輕重者矣通經術者矣公無  
私者矣非其侑之後身必有以得侑之心者矣然則通  
烏氏開身毒置交趾郡不患其不能辦也燕大夫士咸  
有歌詠順聖魏初為之序云

素庵先生事言補序

太上立德其次立功其次立言自世變不一有委心于  
權謀謂之知死心于勢利謂之通苦心于雕蟲篆刻謂  
之文故立德者鮮立功者鮮立言者亦已鮮久矣嗟乎  
士君子所以垂憲于後顧所學何事耳遇不遇不論也  
素庵楊先生少羈孤致力古學為名輩所推重嘗著事  
言補三卷至元二十五年其婿陳祥觀農江西以其書  
示初請序所以意初年十六七時曾侍我先大父玉峯  
得拜先生于木庵英上人之歸義方丈今四十年矣先  
生有獲麟詩二首蓋其明年之詩也初晚生不肖誠得  
附名不朽何幸如之今考其上策如日以儉養福以謙  
養貴以知養富又曰五就湯五就桀非孟子之言也其  
中篇如大學衍義節有七例其所謂筆削者蓋有為而  
作也此又見諸行實非空言比也其下篇如酒癡之論  
如人妖鐵面之譏舉可以為世訓士論惜其遭際變革  
羈旅隱約使先生之蘊蓄負荷百不一施雖然有所為

不亡者存焉耳其自序謂書勸戒蓋學孟子亦不異于歐陽公也有能識先生之志採先生之言其于事功不謂無補至于論文字紀風俗遠讒嫉安困窮先生雖得而錄之非有意于文也茲又不可不察順理魏初謹序

山莊雅集圖序

古今一天地也人物一元氣也元氣一古今不可以二故山陰蘭亭之集春夜桃李園之宴竹林七逸洛下九老雖鉅細不同其託物興懷自得天地之妙者豈以古今有二哉至元丙戌馬卿德昌拉諸賢出錢塘門或舟或騎要以陳氏山莊此君亭為約既至亭在萬竹中軒戶足清杯盃盃足古酒數行談議鋒起笑謔間作觴猛于陳詩嚴于律熏陶浹洽其氣象有大不凡者明日諸公有樂府以歌詠其事又令子昂趙君圖之且囑余序所以意余謂湖山拱秀花竹呈麗此不必論第我輩所以自立者其一于古其不一于古余于是有懼焉敢序因以例和樂府附之

送尉生序

雲川尉生從余學將歸覲其親求余言為佩服之資余謂古之學者自小學入于大學自格物致知以至于修身齊家各有敘程朱兩先生于語孟中發之詳矣苟能熟讀而力體之古人不難造也生其勉乎哉先儒謂教人者如醫家對病用藥若曰必揭其受病處從而藥之生亦質美嗜學而謹于守畦畛者也余不能言余嘗以書獻當路者其自謂則曰讀<sup>書</sup>細以治心為主不泥章句讀史尚氣義不喜敢死怪力之士作文先大體主意而鄙雕刻涉世貴知義有守而恥不通此余所願學而未至者也今亦以告生生其勉乎哉

送尚秀才序

厥初生民倥侗渾濛雖秉彝罔不在越匪修弗率未有不替于天性之初惟彼玉石既切彼琢茲用異于塊礫惟彼箇楛既括復刃茲用應于機張惟彼稼穡既耰復鉏茲用望于有秋若古有訓黃帝堯舜氏作其政一其

民醇其學罔攸其顯道亦無不在逮文武成康人民  
彞防慮周遠越百姓里居罔敢不敬天德惟稼惟穡朝  
夕克服厥躬間于藝穫時則有若庠序有若老成詢茲  
大倫不暇他以為不惟不暇亦不敢周德既衰重耳小  
白迭為盟主治功府利誕惟厥縱于邠彞其後有國立  
王亦罔克念聽則或專于兵于刑于權謀于鈎拒于捍  
闔于縱橫于禮冠誕于貨于佛于玄百孔具出于是先王  
大道泯泯焚焚日入于壞學者尚賴六經孔氏之學僅  
存而不泯以仰鑽高堅用明天命俾知所止定恒懼寒  
暴因仍畫簣于一為可惜也保下尚野從余學今將歸  
獻書求余言余聞曰勤力一心乃其有成作止交戰危  
微孰明爾尚式時先民之訓夙夜惟厲華其末必植其  
本圖其始必思其終慎厥攸好爾克敬在德余惟汝畏  
酒壺既傾序以識別

送王之問序

古所謂天民大人者一于道義而功名不論也志于功

名者富貴不論也。世變既降，士氣益弱，天民大人即不敢論，而所謂志功名者尚邈乎其無聞焉。是以竊位苟祿之譏，備員全身之謗，往往有之。茲感激之士，所以痛心疾首，有不能自己者，然也。吾友王君之問，肅而割約，而有文在今賢相君廉公賓席有年矣。至元丁卯，將奉車詣京師，余恐其遭罹頓挫，遂有落寞不平意于其行，乃飲之酒，以張其氣，且與之言曰：廉相君方以天下為己任，故雖荒僻窮陋，一有奇俊，猶將搜抉，欲共升之朝。况其美材巨璞，已在其宇下者乎？吾子可無慮，所慮者惟吾子去就之當否，與持心之變與不變爾。就之不當，而富且貴，人孰以為榮；去之當，而貧且賤，人孰以為辱。世之苟得患失之士，泛泛踽踽，脂韋囁嚅，若水中之鳧，若轆中之駒，若飢龍之乞憐，何汲汲敗人意如是耶？吾子懷抱利器，有賢君侯為之依歸，持此心以往，能不為風俗所移易，功名不難辦也。吾子其行矣。

送王國賓序



君子非無名之患，無令名難實，名身之文也。言，名之興也。言之不辟，名之不遠，宜哉。昔叔孫豹有言：太上立德，其次立功，其次立言，德上也。功次也，言又次也。咸無焉，為衆人生，為五穀蠹死，與草木朽，何沒沒也。夫或曰：言以駕說者也。學者將務為其說，則冥行擗埴，道莫之索，其次用何如也。曰：中天下而立，定四海之民，君子樂之，存乎命，故堯禹躬行，仲尼皇皇，非命乎。非命乎。堯禹不言之孔子，孔子能言之堯禹，非堯禹，余以春秋論語為贅疣，枕之藻童子之雕刻，施之天下，壯夫不為末也。末可務乎。是以華而不實，蕩而不法，君子耻諸。余友生王子國賓有志于言，將以是鳴于世者也。余願子以孝敬為冠履，謙讓為襟帶，中庸詩禮為佩服，則其言之出也，鏗乎球琳琅玕之夏焉，燦乎締綌錦繡之錯焉，予以補造化，予以變風俗，予以參天地之盛衰，不然，何多言之足貴哉。子行矣。他日有遨遊諸侯間，氣象焜焜者，非子而誰。

送歸愚劉文尹新河序

近代用人之法，不過曰資曰望而已。資以御其常，望以御其變。常者有司之事，變者宰相之公。知其變，不知其所謂常，則鳳鳴而鷲翰，顏狀而距心者，得冒進矣。則夫拔于稠人之中，任以不次之位，非明眼者不敢。遽以旬月取相，一歲累遷者為至當。故范文正公立朝，抗論置百官圖，指示曰：某遲，某速。此公此私。意者范公不敢一于變，而必為之防限者，杜私門，抑干進，為後世定法也。知其常而不知其所謂變，則一枝棲鸞，百里不足展驥足者，亦有之矣。則夫積日累久，循序平進，非體道者不敢。遽以十年不調，七十為郎者，為至公。故寇忠公當國，除拜見吏持例簿進，却而弗視，曰：宰相器使百官，若皆用例，非所謂進賢退不肖也。意者寇公不敢一于常，必為之振舊革弊。古者取人才求實用，從當世之公議也。大抵用人者，不可不安其常，而亦不可拘于常。安其常而不知所以時出其不常之用，以神吾之常，則其弊

也不可止國初法令簡易將相大臣皆得以意辟召逮  
中統至元之間肇定銓格俾循序而進久變而忽常人  
固以為駭方常而遽變人亦以為駭噫當是時器使百  
百官吾知其為難矣雖然銓格既定因其有常才者待之  
以常因其有非常之才者待之以變從施橫設無往不  
可顧吾所自立者如何耳吾患其坐廟朝為天子進退  
賢不肖者不能也吾叔歸愚劉君才而望者也今循序  
尹縣屈而不伸蓋可知已雖然孔子嘗為委吏矣必曰  
會計當而已矣常為乘田矣必曰牛羊茁壯長而已矣  
孔子盡其在我者在人者不論也人以常待我我以常  
處之則人之待我者非不善也人以常待我我以不常  
處之待我者當必有能辨之者矣方今郡縣之職非若  
曩時也有養廉之餼有奉祀之田有皂隸以供役使有  
考課以辨能否是豈可不上為天子下為斯民而中以  
伸吾之所學乎然亦有所謂難者不可不知也荒遠細  
民知天子有意于治懼司牧之非其人以撓吾民生將

悉其情而升黜之用是豪猾不逞之徒苟在任者一有  
棖觸則舞文欺詆必排擯而後已不然即誅其滿秩之  
日羣聚譁譟遮道而訾辱之噫風俗如此任是責者急  
之則民怨興緩之則公賦缺不謂之難可乎雖然亦必  
有道以持之公平廉斷與物無競不以近而動者吾知  
其不足辦矣若一為猾吏所餌左右不敢舉動良可惜  
也吾叔當代名士是固能審處矣而初屑屑以言此者  
蓋以立法有常執法者雖以常待吾叔初不敢以常待  
吾叔也宰相所以造化是法者也雖始以常待士初不  
敢必其終以常待士也幸吾叔不以常自處則宰相自  
不能以常待吾叔矣異日聞新河治最宰相奏白不敢  
以常尹長遇之然後知初言為不妄也于其行謹以是  
序送之

藁城尹闕君哀挽詩序

至元五年三月朔藁城尹闕君子玉卒明年其孤子某  
泣謂初曰先人少遭閔凶挺身自樹立行唐邸侯尤罷

重之嘗薦于故蔡國張公張一見大喜命典屬縣先人  
辭不就即杜門却掃彈琴學易澹然與世味相忘若將  
終身焉者中統壬戌順天宣慰趙公辟先人詔議其事  
先人從容贊畫不求赫赫名用是歷歷曲陽高陽藁城三  
縣令所在有能名今不幸棄世不得盡展蘊蓄寧為無  
遺恨邪某早夜思所以慰藉九原者惟是縉紳先生之  
哀辭有所闕耳先人雅重吾子幸吾子序其端初聞愕  
然且謝曰令先大夫不以初不肖頗相愛厚嘗命初為  
邱侯作北嶽靈臺記間與語喜道河朔諸將事迹且曰  
某少時不學好騎射貞祐間河北豪傑並起某時因邱  
侯數相與往還用是得其事迹為詳每念古人遭際草  
昧功名事業播在人耳目至今不朽者以其史傳為考  
實故耳今國家立經陳紀百度修舉他日太史氏必求  
訪遺逸某將封諸將事實以獻不識何如初應曰昔韓  
昌黎以李翰林所為張巡傳雖頗詳密尚有闕者又不  
為許遠立傳愈痛之為作張中丞傳後叙載巡遠事垂

不朽又有答元微之侍郎書論甄逢父濟卒不污祿山  
父子宜得書初嘗以是推愈心知其賢于人者益遠夫  
忠義感激之士魁魏偉雋之迹要當與白日爭輝不幸  
一旦磨滅而不聞豈不深可惜也君能擴推是心則他  
日登要津秉國政必不肯蔽賢以自售比之聞人之善  
領而下咽小有過必極口暴露而後已蓋相去萬里也  
別後方期大用以展布所長不意遽有此不祿今吾子  
將懇求縉紳先生之哀辭以為泉下之先是亦吾子之  
職分耳初聞令先君與藏春相君最相愛念相君名重  
天下衣冠所倚望此正遺山所謂鄴中賓客應劉徐阮  
皆天下之選使坐無陳思王亦不得不為西園清夜惜  
也初敢為吾子發之初再拜序

記

江漢堂記

堂在漢中其始構與構之之所在今不可考其字則魏  
了翁之所書也了翁宋名士其所以書必有以也聖元

有漢中幾五十餘年名公鉅卿典是郡者非一能不棄  
了翁之所書揭之于公署之後堂亦必有所取焉耳第  
以歲月逾邁風雨頽圯一往一來或未知其所以然為  
雉豕蒿礫所溷雖漢中士大夫不知有了翁之書者况  
究了翁之所以書者乎至元十四年陝西四川道提刑  
按察副使安公士甫以才得尹是郡乃葺其堂而了翁  
江漢之名始出余適以按覈至公與余有一日之雅俾  
余記所以意余不敏不能度公意敢為之說以詰公曰  
絲簧夜燈錦綺春麗觀游眺望公豈有心于茲堂乎燕  
閒休息賓從雜坐談說蜂起公豈有心于茲堂乎會計  
出入毫髮不少貸一予一奪籠絡豪右公亦豈有心于  
茲堂乎不爾則必曰田萊多荒粟帛不給吾于此堂可  
以議之賦役煩重因仍蠹食吾于此堂可以治之羣小  
並進以私害公吾于此堂可以去之英俊下沉文治不  
興吾于此堂可以舉之斃獨抑鬱無所控告吾于此堂  
可以信之說未更公竦然曰詩所謂他人有心予忖度

之君之謂也、余徐應曰公之所以尊堂之意、今竊幸中之公、知了翁所以書堂之意乎、敢併為公陳之、江自岷漢自嶓冢、淵深滄蓄、湍激奔放、源源混混、不舍晝夜、雖百折必至于海、盖天地之元氣流、而江漢元氣餒、則江漢涸、江漢涸則乾坤或幾乎息矣、人心之有義理、發而為事業、其揆一也、義理明則事業著、事業著由人心勝而義理之心塞矣、故一心之公、一心之江漢也、一言之信、一言之江漢也、一行之謹、一行之江漢也、苟反于是則早乾枯竭、無復生意矣、與夫秋之溝、夏之港、朝盈而夕涸、何以異哉、知天地之有江漢、當知了翁之所以取名于江漢、知了翁之取名于江漢、當知吾身之自有一江漢、不徒羨夫鶴山之書劄而已也、公拱手曰、君記竟矣、請書之、吾將從事于斯。

趙公泉記

趙公家世將種、在金朝父祖昆季、咸有戰功、死王事者數人、公幼業儒學、不窳偏章句、卓然以遠大自期、上在



潛邸公與廉趙姚張諸人偕入扈從。至上龍飛詔，公宣撫陝西、四川等路。朝廷草創，百度未備，况西南國都之門，所以蓄內釁而啟外侮者，人莫不以為懼。公至，具言天子聖明，宣布渥澤，以恩以威，雖以杞子逢孫之黠，悉縮胆於穀，而莫敢發。卒致內外恬然，使至上無西顧之憂者，公之力也。由是公之名重天下，將謂謨謀廟堂，佐天子出號令，旦夕可冀矣。公乃中流勇退，買田以泉石自娛，得古夏侯氏之地，在常安韋杜之間，負少陵而揖終南，雲煙竹樹錦綺錯繡，四時朝暮光景萬狀。昔人所謂輞川之鄉社、桃源氏之別墅者，正在此也。初，公既得卜，乃引東澗之泉以灌蔬藥，以供庖丁之用。又鑿池植菱荷，養魚數百尾，每四五月之間，早輒細流淙淙，僅濡石齒而已。則所謂小有江湖之興，為之索然。用是瀕北崖以鑿之，有泉湧出，如隙光如匣劍，澗然清冷。歷引而南，由書院由蔬圃，由堂由池，隨所用而之焉。當暑潦方漲，亦奔湧湍漣，有聲舞盤渦，而盛輕浪甚可愛也。及其

風定煙收、澹如醪醕、雖云智者之樂、而禪僧野客亦有  
所慕焉、公時屐屐其間、居人望之若神仙焉、因以趙公  
名之、初謂古人以人取名者多矣、如柳子厚之袁家塌、  
蘇頲濱之君子泉、皆是物也、夫其以袁家名塌者、必袁  
氏之有主乎塌也、以君子名泉者、必其神之有類乎君  
子也、今士大夫以公名是泉、公亦以泉受是名、其必有  
說也、士大夫之說、余能知之、謂公嘗少據底蘊、而秦中  
百姓至今歌舞之、使其執大柄、輔大政、其潤澤天下也  
必矣、庶幾公之後出、得若是泉、以平天下之欹坎、以潤  
天下之枯槁、以流天下之穢惡、以鑑天下之妍醜、此其  
所以望于公也、然公得是名而不辭、不能無疑、因以詰  
之、公曰、余以丁內艱、廬丘隴、朝夕哭踊、比得痺疾、自分  
閒退久矣、然所以自治自勵者、奚可少怠、余觀夫泉之  
就下、不爭、則侶謙、不幾于顏子之不伐乎、盈科而進、則  
侶約、不幾于曾子之養氣乎、蹈險不疑、則侶勇、不幾于  
季路之有為乎、源泉混混、不舍晝夜、則侶道、不幾于君

子之自強不息乎古人盤孟有銘几杖有銘若韋若絃皆所以自厲也余之得是泉而喜之者亦將以是自銘也。不然則役于物而急于名是以巧智自私余不敢為也。初謂泉一也士君子得之而所以期公者如此公得之而所自守者如此然則君子之所以必觀與夫觀之之有術者于是為益信。公諱良弼字輔之本鄉品人家贊皇者四世矣今占籍于茲焉。

重修懷州三皇廟記

太醫王某詣初言懷州孝感坊舊有三皇廟五間蓋壬子歲州醫教授趙元張淵管勾張嗣興所創也迄今四十餘年矣至元乙酉某承太醫院令造供御地黃于其間某謂奉上藥物不敢不精潔且三韓韓醫之所自出也其廟貌圯毀疎漏如此甚不稱輿望乃與本府官及醫生輩相與重修之允用緡若干雖木石已具未遂落成某今年供上赴北太醫院以茲事奏聞欽承睿旨俾有司施行請紀其始末以昭不朽初竊為伏羲氏法象天

地畫八卦以通神明之德以類萬物之精神農氏教民  
五穀嘗百草木黃帝與雷公岐伯論討經脉傍通問難  
經方問說之書出焉醫之有本不于是以是以求之將何所  
取衷焉可謂知本者矣雖然子醫也知醫之本于三聖  
人當知三聖人天下萬世之本也太極未分而奇偶畫  
陰陽為無窮陰陽合變而萬物生理亦無不備不有聖  
人孰明是理孰體是物孰為之垂教萬世由是觀之萬  
物一五行也五行一陰陽也陰陽一太極也太極即此

理也此理明則天地位而萬物育故歷代祀典所在官  
司歲時祭教昭其本也聖上慈民愛物與天地為一心與  
三聖為一體凡在宥司不可不體聖上之心發三聖人  
之妙用其司牧天民順其心不強其所不欲寬其賦不  
迫其所不為不奪其時不困其力使之雍雍有親蘄蘄  
有義長幼有序內外有別養生送死一無所虞則陰陽  
安得不和風雨安得不時百穀畢登鳥獸草木咸若當  
是時也三聖可以四聖皇可以齊乎三矣是豈止補榘

棟炷香火為醫者，所自出而已邪。雖然，亦不可謂不因吾子輩啟之也。謹記。

重修礪溪長春成道宮記

至元十七年，重修礪溪長春成道宮。成提點方志正具筠溪李公之狀，以文來請，謝不敏，不獲。按所具狀：礪溪在鳳翔號縣界，一泉絕清冷，北流二十里，入于渭，層巒疊嶂，秀異如畫。初入谷口，甚狹，沿溪五六里，豁然壇壝，土膏腴，而樹蒼鬱，雲煙朝夕千態萬狀，使人顧揖之不暇。所謂尚父之釣磯者在焉。其曰礪，豈派以是而得之邪？始重陽王公寓寧海，馬氏棲霞長春子知其為異人，往師事之，得心傳焉。又二年，與丹陽馬公長真、譚公長生、劉公從重陽公遊汴，未幾，重陽厭世，長春與三子護葬于終南之劉蔣邨。長春以溪形勝，慨慕古昔，因卜居焉。洗心鍊行，深造自得，時作詩以開示元祕，用是名聲籍甚。大定二十八年，詔赴京師，築館于萬寧宮之西，以便咨訪。明年乞還山，從之。明昌辛亥，東歸棲霞。又二十

年，

有八年適元太祖聖武皇帝遣近侍劉仲祿召至雪山之陽虛席以問至道對以寡欲修身之要愛民永國之方及上天所以好生惡殺之意上皆嘉納之是時干戈方殷賴是以全活者不可以數計古所謂仁人之言其利溥哉蓋近是已又四年勅居燕之太極宮即今長春宮也又勅悉主天下道教事又四年乃羽化又十有一年弟子洞真于公住持終南重陽宮感念磻溪祖師鍊化之迹兵亂蕪沒乃盧志清輩經度之時關中甫定土荒人稀艱于得食磻溪當東西旅軍往來之衝志清輩披荆棘薙草萊修垣墉力耕稼數年之間棟宇者極者礎者始有可瞻仰而定居矣乃額以長春而觀焉又十有四年真常李公代禮嶽瀆炷香祖庭以恩例升觀為宮而得今名焉志清即世道士方志正繼述其事志正有幹局能自勤苦刻勵以倡率乃衆構大殿三曰玉虛曰通明曰太宗玉虛之南太宗之北曰南昌曰方丈自餘細大各有攸處嗚呼如志正者可謂篤于向道有志

而竟成者也。雖然是溪之在太古荒寒寂寞與山川天地為一氣初無名知也。及尚父奮起佐周以有天下立齊與周相為終始當斯時也。君子謂如義黃至于唐虞文物始備可謂溪之治世矣。自周自齊歷漢魏南北隋唐迄于五季幾二千餘年遂寂滅空洞不復有大賢者出君子謂溪之復太古也亦宜。自金大定至于今百有餘年有長春公積德累行開闡元化風行四方以人主之尊猶物色而招訪之雖逃虛而樂山林一言可以利天下不憚煩也。用是人人想望其風采至今高其德而不忘當斯時也君子謂如宣王勞來安集光啟前烈可謂溪之後世而中興焉。又謂自今至于百世萬世溪之復古不古或益張熾光大則存乎其人焉。至于丹腹粉碧上觚稜而棲金爵是又吾長春子之甘棠云。

勅建真武廟碑記

國家肇基北方以神武有天下歷聖承承際海內外罔不臣妾主上眷膺天命嗣守大統稽考典禮以潤色鴻

業立宗廟議禮樂定官制炳然蔚然文物一新惟是宮

殿未備羣臣請定都于燕上可其奏至元年始勅有司

經經度其事議遠近畧基址平板幹具餼糧分功命日以

肇建都城既役之原年十二月庚寅城之西高梁河有

蛇出焉長尺有奇首金色觀者以閉藏之候非所宜出

乃今見之其為靈惠也昭昭矣咸奉香迎拜蛇馴而近

人引頸顧盼領其誠意而去明日復有靈龜回旋岸曲

金文燦錯衆悉以為神太府監玉牒齊布哈以其事達

禁掖皇后俾詢之博物者曰是何祥也或以玄武神現

為對皇后雅欽神靈即命于所現之地構祠而像設焉

有司方庀工歲役皇帝若曰神能大庇吾民可不敬乎勅

明享以答靈貺乃詔大其棟宇以行工部尚書段某董

其役仍以詞臣文其石謹按張衡思立賦云玄武縮于

殼中騰蛇蜿而自糾蓋蛇龍陽類也上應乎乾綱龜玄

物陰也下應乎坤軸惟陰陽交和而神應斯至今主上

神慈威武子育億兆沉幾開闔旋乾轉坤其創制立法



則有魏孝文之度焉其綜名核實則有漢孝文<sub>文</sub>之則焉至若覲光揚烈以辭色假借臣下使之敢言則周成王唐太宗不啻過也加以敬戒不急肅恭神明宜上帝降靈以表彰德信而昌明景祚于無窮也臣初敢百拜稽首獻銘以對揚天子之丕顯休命銘曰

玄武惟星黑帝之精有來其徵有占其靈將應其龍德之馨皇帝曰嘻神保是承赫赫厥聲綏我思成盍敷其申錫之誠乃大其庭乃高其楹鳥翼矢棘神之攸寧以

長我王國之楨

重修北嶽露臺記

嶽古恒也先王奠祀用秩茲表乃北歷歷承承明裡休享罔有降革金哀羣盜蜂起奪掠斬艾所在蕩盡時國朝肇一區宇禮文故事日不遑給故嶽祠為爾寂寂幾十餘年天誘其衷故萬戶邸侯為建正殿四方始有瞻拜之所殿南餘二十許步舊有臺以容俳優抵角變幻百戲之獻乃募工起南山白石而崇擴之高丈弱從仞

十有一三分一有一有奇橫如之經營規度凡五易寒暑計費錢二千餘緡侯沒後十有一年其故人闕君子玉丐余文用識不朽余復曰郎侯河朔名將其英銳敢悍之氣固已光輝耀本朝冰此可以鋪張萬一且謝不敏玉曰有金南渡河北羣雄如牛毛弱之肉強之食鄉人惴惴焉其心危獨倚公以為重公亦以此自任貞祐初天兵南牧衆推公主石城塞丙子石海亂歲且飢饑民瀕于沙河者夜採魚藕草糧以餬口晝穴窖不敢出海遣何運副者擁精騎五千駐之曲河却得一窖即食之折骸爨骨腥聞于天公不勝忿恚募健勇者得數百人與何慶戰生擒何剗其心以謝衆用是順天都元帥府升公為恒州安撫使其年十一月與武仙騎將葛鐵槍戰有功帥府詔制遷公為驃騎衛上將軍元帥右監軍金虎符恒州安撫使如故庚辰正月武仙復陷真定公會諸部兵欲謀必取行半道聞中山李成叛即趨恒申儆守備俟釁將動五月武仙遣人將精兵萬五千人屯于

黃堯之兩山與真定為犄角之勢且欲逼恒時麥方熟  
恒人恃此以為食武兵日芟夷之公召諸校謂曰今恒  
邑乏食軍不滿一千與其坐視民死當與此寇一決戰  
大丈夫成則為侯不則為虜亦何恨也諸校亦踴躍期  
一戰先是武兵畏公威名不敢近及奄至營中不知所  
為自相蹂踐比曉溝壑填溢腥血蔽野得畜牧甲仗糧  
糗不可勝數恒民賴是得活其年十月改知中山府事  
公剛勁自信不畏強禦甫數月有畏愛之稱又五年改  
行恒州元帥府事國朝以馬上有天下敕元帥為貴階  
又十有四年詔公以萬戶統諸道兵圍宋師于歸德取  
之遂收畧宿州光州及薊鄴臨渙等縣以功詔鎮歸德  
又十有九年卒壽七十三子浹以虎符嗣職今移鎮息  
州公平生悍勇有大志逢草昧與羣雄角逐視殺戮攻  
掠若衽席然而能敬恭神明不靳已財若殿若臺咸出  
雅志即今瞻望廟貌使人有焄蒿悽愴之心者皆公之  
所自出也廟多古銘刻非公持護則破裂若井椿者有

之矣僕不佞辱公平生知待公今亡矣他日紀太常銘  
神道當必有任其責者僕特因故舊尚因是臺以道其  
梗槩用嗣永久吾子幸無讓初曰苾苾芬芬祀事孔明  
先成民而後致力於神者邠侯有焉人之有技若已有  
之人之彥聖其心好之不啻如自其口出于玉有焉禮  
五嶽視三公四諸侯亦境內不得祭季氏旅泰山仲尼乃  
進林放以厲冉有世變益降家自作古風俗因緣遂通  
上下而祭焉當河朔潰裂網傾維崩人心之存唯有畏  
神禍邀福幸而已然擴是心以往則猶可以撲虐燭而  
戢毒螫是以君子尚有取于斯焉書存呂刑春秋紀胥  
命皆聖人所以待叔季之義也古今肇祀禮軌會當舉  
廢典巡朔方侯甸男衛邦伯咸執幣贄駿奔走以相助  
柴望或者未必不以是臺為茲嶽告朔之餼云公諱順  
字從政世為真定行唐人

怡然亭記

漢中耆艾西軒王先生有亭于新居之西字曰怡然蓋

其子無疾無妄為先生偃息徜徉之所築也亭以茅峻  
以土階戶正離牖隨日出納北軒與暑相抗懾故冬燠  
夏清其下植松植梅竹植冬青樓桂雜樹卉有盆池有  
石山有小曲徑雖近闐闐儼然閒然大有山林佳處氣  
象其中貯以六經子史及前賢義理性命之理論冠婚喪  
祭之說異端詭怪縱橫利祿一言不得與也先生本高  
平人從父祖避兵徙居嵩山之陽甫志學又從鴈門李  
公入蜀回駐興元一時達官為其子弟策館請受業因

留家焉先生早罹兵艱難險百至既息肩益讀書以究極

義理為本根以踐履躬行為實學故郡生賢良咸師表

之至元十二年勅授本路教官既受命無幾何時即以

老疾辭其年朝廷以陝西提刑移治南鄭時先生與無

妄如澤改葬其考妣明年初按部自雍還始得與先生

相識先生魏冠博褐進止舒徐其容狀其辭溫藹然程

朱家語錄中人也用是嘗侍几杖十有五年初至自東

川一日與客登茲亭客有顧門楣而問者曰夫所謂怡

有怡怡之怡有怡聲之怡有怡然理順之怡此所謂怡  
何怡也先生未對初應客曰王氏此亭必具此三說然  
後為義備無疾無妄于于友愛克敬克弟怡怡之義見  
之矣觀其事先先生溫恭是式游居有常奉所欲以養之  
柔色以溫之則柔聲之義又可見之矣至于先生自少  
而壯自壯而艾雖遭罹險艱造次俯仰無所愧怍今以  
其所見者考之先生薄于世味不以官達功名用心不  
以子孫田宅用心不以矯飾聲譽用心方寸平和無所  
于求一順于理如葬藏如祭享如教誨注洒掃應對進  
退悉有本原制度表裏無一毫滯礙處怡然之怡不可  
于是槩見之乎世之昆弟以財產相傾奪以言語相忿  
憤至終身有不相悔悟者孟子所謂好貨財私妻子好  
勇鬪狠不顧父母之養其心如劍戟如陷穿如豺狼禽  
犢豈知夫怡怡之義怡聲之義哉如韓子所謂足將進而趨  
趨口將言而囁嚅觸刑辟之誅戮僥倖于萬一者或茫  
然若有所失而未得或赧然若有所觸而未安或感然

若神有所未定或枵然若肝膈有所不足夫如是而能造夫怡然之閭域者未之見也此亭之怡蓋兄弟弟父子<sup>父</sup>子分而言之則由一而三合而言之則自三而一者也客曰誠如君言先生笑而作初亦自謂無愧辭相與怡然而出後二年無妄以府掾有能聲辟置之司因徵予說以為記復告曰先生之怡油然自得于理義涵泳之中日用體踐之實故為識者景仰如此若子昆季之怡既無失德尚日加勉不可少有虧歉以傷先生之怡其歸語汝兄弟毋忽先生諱得輿字戴之西軒其自號也

麟齋記

王文慷慨尚氣讀書以左傳為專門之學因名其齋曰麟蓋取春秋獲麟之意也初謂麟仁獸自黃帝堯舜以降厯夏商而周麟不屢出也夫麟必得天地仁厚雍和之氣以生在黃帝堯舜禹湯文武之前其仁厚雍和之氣比屋皆然雖有麟不以為麟平輒東遷王室實蠢蠢

焉齊楚秦晉吳越熾烈之燭始波蕩風靡以橫蔽六合  
故有為窮奇為擣杙為饕饕為魑魅魍魎為蜂蠆毒為  
蠱雕為長彘磨牙垂涎食肉于血當是時而麟出焉則  
其為麟也固宜不然則即之豨紅之菟孟諸之田必有  
粲然而鬣者豕粹然而角者鹿夫豺狼麀麋之屬而不  
一也聖人不出書獨拳拳于麟者必知其麟之為麟也與  
麟之為德也韓子曰麟之所以為麟以德不以形是以  
麟不出于黃帝堯舜禹湯文武雍和之前而出于齊楚  
秦晉吳越熾烈之後是知春秋之麟雖不根于仁政熏  
養之力而其自得天地者則固若也說者又曰麟為明  
王出也無明王亦出則麟不為當世其為春秋為後  
世麟也必矣是故學春秋者必麟其心其行然後聖人  
經世之志與夫天地人事之終始則有以得之矣其出  
也必有以麟天下其不出則所謂麟者固在也若嚴光  
之麟於漢諸葛孔明之麟于蜀陶淵明之麟于晉其出  
處雖不同而為麟則一也王文真積力久其胸中之麟



他日必有一出不知天將使麟其所謂當世之麟者乎  
麟乎麟乎是必有一在也今其張本耳故喜為之記

重修寶鷄祐德觀記

安西王相中奉大夫李公與道人袁志安有一日之雅  
因請公主修其住持寶鷄之祐德觀公報疏云不謂羽  
衣之師德眈為香火之主人又云人無兄弟胡不伙焉  
良哀其心之獨苦我有田疇永無好也薄助其力之不  
周用是袁公遣其弟子張志全來謁初曰志安木石野

拙學道未成一椽一茅分亦足矣曩因元師以河山形  
勝卜祐德之廢垣令志安輩披荆棘拾瓦礫歲薨月楹  
未有成遂承參知政事中奉君不以山野鄙薄過為提  
挈倚賴屏庇今得三清四聖混元靈官等殿暨雲堂厨  
庫方丈山門之屬修復舊觀感戴盛意不可不為記述  
以永久敢以文請初謂神仙不役于物而名山洞天非  
神仙不可居宰相不遺于物雖衣褐寬博而宰相在所  
邱寶鷄古名縣也左秦右蜀襟山帶河自姬嬴以降故

實可考其為仙人之窟宅蓋無疑然干戈焚蕩之餘榛  
莽悽愴狐狸所居豺狼所號非天誘其衷假手于賢相  
君未易及此相君朝廷屏翰王室柱石生民之休戚社  
稷之安危係焉乃能不屑于是則其心恥一物之不獲  
其所可知已茲宜書志安潼川人性冲澹與人款曲謙  
謹其師張守冲紫陽微全陽普度真人周公之所自出也  
初周公承教丹陽居邠州玉峯徒衆以千數而守冲為  
高弟守冲雲衿霞佩儵然有塵外之想在鳳翔之長春  
凡四十有五年是用秦隴知名朝廷賜號曰崇玄無欲  
大師師知志安可托付以大事因以德祐俾之今興建  
如此可謂能成其先志者也志全本邑人喜讀書風骨  
不凡經畧雪溪劉公甚愛重之乃撫其意作步虛詞七  
章

壞垣野粉零枯香石欄老雨皺秋黃山川良是成荒涼

仙人駕鶴來翱翔隴頭耕瓦見羽陽碧鷄金馬何茫茫

相公經綸無遐忘偶竒竒偶方而方慨然以是為

主張、郢斤岷礎呈奇祥、銅龍鐵鳳搖輝光、  
仙官府、千洞房、山人自外過、所當彌羅丹華誰比將、  
一心惟、有祈穹蒼、相公眉壽天與昌、明年平蜀歸朝堂、  
盡措、民物如成康、渭流西來今湯湯、厚福與之孰短長、  
厚福與之孰短長、



